

13324 漢魏六朝百三家集一百一十八卷五十六册

明張溥編 明崇禎間太倉張氏原刊本

A 263 [945] 52 205

- 1 賈長沙集一卷 漢賈 直撰
- 2 司馬文園集一卷 漢司馬相如撰
- 3 嵇中散集一卷 漢曹仲舒撰
- 4 東方大中集一卷 漢東方朔撰
- 5 漢魏先生集一卷 漢諸葛亮撰
- 6 三原集一卷 漢王 褒撰
- 7 漢劉中丞集一卷 漢劉 向撰
- 8 揚子雲集一卷 漢揚 雄撰
- 9 漢劉子真集一卷 漢劉 歆撰
- 10 荀勗集一卷 漢荀 勗撰
- 11 魏都賦集一卷 漢 荀爽撰
- 12 漢張衡集一卷 漢張 衡撰
- 13 漢河間集二卷 漢 河間獻王撰
- 14 漢劉向集一卷 漢劉 向撰
- 15 漢劉向手長集一卷 漢劉 向撰
- 16 漢劉向中集一卷 漢劉 向撰
- 17 漢中郎集二卷 漢 中郎撰
- 18 漢王仲舒集一卷 漢 王仲舒撰
- 19 北少府集一卷 漢 少府卿撰
- 20 漢荀爽集一卷 漢 荀爽撰
- 21 漢成帝集一卷 漢 成帝撰
- 22 漢文帝集二卷 漢 文帝撰
- 23 漢思王集二卷 漢 思王撰
- 24 漢紀家集一卷 漢 紀家撰
- 25 王仲中集一卷 漢 王仲中撰
- 26 魏阮元衡集一卷 魏 阮元衡撰
- 27 魏劉公幹集一卷 魏 劉公幹撰
- 28 魏應德集一卷 魏 應德撰
- 29 魏應休集一卷 魏 應休撰
- 30 魏步武集一卷 魏 步武撰
- 31 魏中散集一卷 魏 中散撰
- 32 魏應德集一卷 魏 應德撰
- 33 魏中散集一卷 魏 中散撰

國家圖書館, NATIONAL CENTRAL LIBRARY, TAIWAN, R.O.C.



- 34 魏荀公曾集一卷 晉荀 簡撰
- 35 傅鸞餘集一卷 晉傅 玄撰
- 36 晉張司空集一卷 晉張 華撰
- 37 孫馮翌集一卷 晉孫 楚撰
- 38 晉李太常集一卷 晉李 貞撰
- 39 晉朱廣微集一卷 晉朱 簡撰
- 40 夏侯常侍集一卷 晉夏侯湛撰
- 41 潘黃門集一卷 晉潘 岳撰
- 42 傅中丞集一卷 晉傅 咸撰
- 43 潘太常集一卷 晉潘 尼撰
- 44 陸平原集二卷 晉陸 機撰
- 45 陸清河集二卷 晉陸 雲撰
- 46 晉成公子安集一卷 晉成公綏撰
- 47 晉張孟陽集一卷 晉張 載撰
- 48 晉張景陽集一卷 晉張 協撰
- 49 晉劉越石集一卷 晉劉 琨撰
- 50 郭弘農集二卷 晉郭 璞撰
- 51 晉王右軍集二卷 晉王羲之撰
- 52 晉王太令集一卷 晉王湛之撰
- 53 陶彭澤集一卷 晉陶 潛撰
- 54 宋何衡陽集一卷 劉宋何承天撰
- 55 宋傅元穆集一卷 劉宋傅 亮撰
- 56 謝康樂集二卷 劉宋謝靈運撰
- 57 顏光祿集一卷 劉宋顏延之撰
- 58 鮑參軍集二卷 劉宋鮑 照撰
- 59 宋袁陽源集一卷 劉宋袁 淑撰
- 60 謝法曹集一卷 劉宋謝惠連撰
- 61 謝元祿集一卷 劉宋謝 朓撰
- 62 南齊竟陵王集二卷 南齊蕭子良撰
- 63 王文憲集一卷 南齊王 斌撰
- 64 王宰朔集一卷 南齊王 融撰
- 65 謝宣城集一卷 南齊謝 朓撰
- 66 齊張長史集一卷 南齊張 融撰



68 南齊孔丘事集一卷 南齊孔丘撰

69 梁武帝御製集一卷 梁武帝撰

70 梁昭明天子集一卷 梁昭明撰

71 梁簡文帝御製集二卷 梁簡文帝撰

72 梁元帝集一卷 梁元帝撰

73 江陵陳集二卷 陳江陵王撰

74 沈隱侯集二卷 沈約撰

75 陶隱居集一卷 陶潛撰

76 吳丘司空集一卷 吳丘撰

77 任中丞集一卷 任昉撰

78 王主簿集一卷 王僧虔撰

79 王右軍集一卷 王羲之撰

80 劉松喬集一卷 劉松喬撰

81 劉孝標集一卷 劉孝標撰

82 劉孝標集一卷 劉孝標撰

83 劉孝標集一卷 劉孝標撰

84 劉孝標集一卷 劉孝標撰

85 劉孝標集一卷 劉孝標撰

86 劉孝標集一卷 劉孝標撰

87 劉孝標集一卷 劉孝標撰

88 劉孝標集一卷 劉孝標撰

89 劉孝標集一卷 劉孝標撰

90 劉孝標集一卷 劉孝標撰

91 江令君集一卷 江革撰

92 陳叔敬集一卷 陳叔敬撰

93 高令公集一卷 高令公撰

94 王仲文集一卷 王仲文撰

95 王仲文集一卷 王仲文撰

96 王仲文集一卷 王仲文撰

97 王仲文集一卷 王仲文撰

98 王仲文集一卷 王仲文撰

99 王仲文集一卷 王仲文撰

100 王仲文集一卷 王仲文撰

國家圖書館, NATIONAL CENTRAL LIBRARY, TAIWAN, R.O.C.



國立中央圖書館善本書目

102 牛奇字集一卷 隋牛弘撰

103 薛司隸集一卷 隋薛道衡撰

國家圖書館 NATIONAL CENTRAL LIBRARY, TAIWAN, R.O.C.


一三三

三



徐僕射集題詞

陳世祖時安成王任威福徐孝穆爲  
御史中丞彈之下殿高宗議北伐孝  
穆舉吳明徹大將裴忌副之克淮南  
數十州地周昌強諫張華知人殆有  
兼稱非徒以太史之辭干將之筆豪





詡東海也評徐詩者云如魚油龍鬪  
列堞明霞比擬文字形象亦然廼余  
讀其勸進元帝表與代貞陽侯數書  
感慨興亡聲淚並發至羈旅篇牘親  
朋報章蘇李悲歌猶見遺則代馬越  
鳥能不悽然夫三代以前文無聲偶

八音自諧司馬子長所謂鏗鏘鼓舞  
也浸淫六季制句切響千英萬傑莫  
能跳脫所可自異者死生氣別耳歷  
觀駢體前有江任後有徐庾皆以生  
氣見高遂稱俊物他家學步壽陵菁  
華先竭猶責細腰以善舞余竊憂其



餓死也玉臺一序與丸錫並美天上  
石麟青睛慧相亦何所不可哉

婁東張溥題

徐僕射集目錄

賦

鴛鴦賦

詔

陳武帝卽位詔

梁禪陳詔

陳公九錫詔

進武帝爲長城公詔

文帝登祚尊皇太后詔



封始興王詔

策文

梁禪陳策文

陳公九錫策文

璽書

武帝下州郡璽書

梁禪陳璽書

表

勸進梁元帝表

讓五兵尚書表

讓散騎常侍表

讓左僕射初表

讓右僕射初表

爲王儀同致仕表

爲始興王讓瑯琊二郡太守表

移文

爲護軍長史王質移文

移齊文



檄

檄周文

啓

安成王讓錄尚書表後啓

謝敕賚燭盤賞答齊國移文啓

謝敕賜祀三皇五帝餘饌啓

謝兒報坐事付治中啓

謝賚麝啓

謝東宮賚蛤蜊啓

書

謝賚蛤啓

爲貞陽侯與太尉王僧辨書

爲貞陽侯答王太尉書

爲貞陽侯重與王太尉書

爲貞陽侯答王太尉書

爲貞陽侯重答王太尉書

又爲貞陽侯答王太尉書

爲貞陽侯與陳司空書



爲貞陽侯重與裴之橫書

爲貞陽侯與北齊荀昂兄弟書

在北齊與楊僕射書

在北齊與宗室書

在北齊與梁王太尉書

與王吳郡僧智書

答李顥之書

爲陳武帝作相時與北齊廣陵城主書

爲陳武皇作相時與嶺南酋豪書

爲陳武帝與周宰相書

爲陳主與周冢宰宇文護論邊境事書

爲陳主答周主論和親書

在吏部尚書答諸求官人書

同前

答周處士書

與章司空昭達書

重答朝臣書

薦陸瓊書



報尹義尚書

與李那書

與顧記室書

答族人梁東海太守長孺書

諫仁山深法師罷道書

與智書書

又

又

五願上智者禪師書

序

玉臺新詠序

碑

司空徐州刺史侯安都德政碑

廣州刺史歐陽頎德政碑

晉寧太守王勵德政碑

丹陽上庸駱碑

孝義寺碑

齊國宋司徒寺碑



長干寺眾食碑

東陽雙林寺傅大士碑

天台山徐則法師碑

頌

皇太子臨辟雍頌 有序

銘

太極殿銘 有序

報德寺刹下銘 有序

後堂望美人山銘

麈尾銘

哀策文

陳文帝哀策文

墓誌

司空裴昭遠墓誌

河東康簡王墓誌

裴使君墓誌

文

為武帝卽位告天文



樂府

驄馬驅

中婦織流黃

出自薊北門行

隴頭水

折楊柳

關山月二首

洛陽道二首

長安道

梅花落

紫騮馬

劉生

烏棲曲二首

襍曲

長相思二首

詩

同江詹事登城南樓

走筆戲書應令



春情

奉和詠舞

和簡文帝賽漢高帝廟

山齋

詠柑

侍宴

奉和山池

山池應令

別毛永嘉

秋日別庾正員

新亭送別應令

和王舍人送客未還閨中有望

爲羊兖州家人答餉鏡

詠織婦

內園納涼

鬪雞

詠日華

詠雪



徐僕射集

目錄

春日

奉和簡文帝山齋

附錄

本傳

徐僕射集目錄終



徐僕射集卷全

陳東海徐陵著

明太倉張溥閱

賦

鴛鴦賦

飛飛兮海濱，去去兮迎春。炎皇之季女，織素之  
佳人未若宋玉之小史，含情而歎憶少婦之生  
離恨，新婚之無子。旣交頸於千年，亦相隨於萬  
里。山雞映水，那自得孤鸞照鏡，不成雙。天下真



成長合會，無勝比翼。兩鴛鴦觀其哢吭，浮沈輕軀，灑灑拂苻，戲而波散，排荷翻而水落，特訝鴛鴦鳥，長情真可念。許處勝人多，何時肯相厭。聞道鴛鴦一鳥名，教人如有逐春情。不見臨邛卓家女，祇爲琴中作許聲。

詔

陳武帝卽位詔

五德更運，帝王所以御天。三正相因，夏殷所以宰世。雖色分辭翰，時異文質，揖讓征伐，迄用參差。而育德振民，義歸一揆。朕以寡昧，時屬艱危，國步屢屯，天維三絕。肆勤先后，拯厥橫流。藉將帥之功，兼猛士之力。一匡天下，再造黔黎。梁氏以天祿永終，曆數攸在。遵與能之典，集大命於朕躬。顧惟菲德，辭不獲亮。式從天睠，俯協民心。



受終文祖，升禋上帝，繼迹百王，君臨萬宇，若涉川水，罔知攸濟，寶業初建，皇祚維新，思俾惠澤，覃被億兆，可大赦天下，改梁太平二年爲永定元年，賜民爵二級，文武二等，鰥寡孤獨，不能自存者，人穀五斛，逋租宿債，皆勿復收，其有犯鄉里清議，賊汗淫盜者，皆洗除先注，與之更始，長徒勅繫，特皆原之，亡官失爵，禁錮奪勞，一依舊典。

梁禪陳詔

五運更始，三正迭代，司牧黎庶，是屬聖賢，用能經緯乾坤，彌綸區宇，大庇黔首，闡揚鴻烈，革晦以明，積代同軌，百王踵武，咸由此則，梁德湮微，禍亂荐發，太清云始，見困長蛇，承聖之季，又罹封豕，爰至天成，重竊神器，三光亟沈，七廟乏祀，含生已泯，鼎命斯墜，我武元之祚，有如綴旒，靜惟屯剝，夕惕載懷，相國陳王，有命自天，降神惟嶽，天地合德，晷曜齊明，拯社稷之橫流，提億兆之塗炭，東誅逆叛，北殲獯醜，威加四海，仁漸萬



國復張崩樂重興絕禮儒館聿修戎亭虛候大功在舜盛績惟禹巍巍蕩蕩無得而稱來獻白環豈直皇虞之世入貢素雉非止隆周之日固以效珍川陸表瑞煙雲甘露醴泉旦夕凝涌嘉禾朱草孳植郊甸道昭於悠代勲格於皇穹明明上天光華日月革故著於玄象代德彰於圖識獄訟有歸謳謌爰適天之歷數實有攸在朕雖庸藐闡於古昔永稽崇替爲日已久敢忘列代之遺典人祇之至願乎今便遜位別宮敬禪於陳一依屠虞宋齊故事

陳公九錫詔

肇昔元胎剖判太素氤氳崇建人皇必憑洪宰故賢哲之后牧伯征於四方神武之君大監治乎萬國又有一匡九合渠門之賜以隆戮帶圍溫行宮之寵斯茂時危所以貞固運泰所以光熙斯乃千載同風百王不刊之道也太傅義興公允文允武迺聖迺神固天生德康濟黔首昔在休期早隆朝寄遠踰滄海大極交越皇運不



造書契未聞中國其亡兵凶總至哀哀噍類譬  
彼窮牢悠悠上天莫云斯極否終則泰元輔應  
期救此將崩援茲已溺乘舟履輦架險浮淡經  
略中途畢殲羣醜洎乎石頭姑熟流髓履腸一  
朝指撝六合清晏是用光昭下武翼亮中都雪  
三后之勅讐夷三靈之巨慝堯治禹佐未始能  
階殷相周師固非云擬重之以屯剝餘象荆楚  
大崩天地無心乘輿委御五湖薦食競謀諸夏  
八方基時莫有匡救疆臣致命黜我冲人顧影

於荼孺之魂甘心於寧卿之辱却按下髻求哀  
之路莫從竊鐵逃責容身之地無所公神兵奄  
至不日清澄惟是孱蒙再膺天祿斯又巍巍蕩  
蕩無得而稱焉加以仗茲忠義屠彼祆逆震部  
夷氛稽山罷禱番禺蠶澤北鄙西郊殲厥凶徒  
罄無遺種斯則兆民之命修短所縣率土之基  
興亡是賴於是刑禮兼訓公革有章中外咸平  
遐邇寧一用能使陽光合魄曜象呈暉棲閣遊  
庭抱仁含信宏勲該於厚地大道格於玄天義



農炎昊以來、卷領垂衣之世、聖人濟物、未有如斯者也。夫備物典策、栢文是膺、助理陰陽、蕭曹不讓、未有功高於寓縣而賞薄於伊周、凡厥人祇、固懷延停、實由公謙撝自牧、降損爲懷、嘉數遲回、永言增歎、豈可申茲雅尚、久廢朝猷、宜戒司勲、敬升鴻典、且重華大聖、媯汭惟賢、盛德之祀無忘、公侯之門必復、是以殷嘉亶甫、繼后稷之官、堯命羲和、纂重黎之位、况其本枝攸建、宜誓山河者乎、其進公位相國、總百揆、封十郡爲陳公、備九錫之禮、加璽紱、遠遊冠、綠緹綬、位在諸侯王上、其鎮衛大將軍、揚州牧如故。

進武帝爲長城公詔

德懋懋官、功懋懋賞、皇王盛則、所謂元龜、司空公南徐州刺史、長城縣開國侯、諱志華、夤亮、風度弘遠、體文經武、明允篤誠、曩者率五領之疆、兵誅四海之讐敵、固以勒功彝鼎、書勲太常、克定京師、勤勞自重、自鎮撫、扮榆永寧、豐沛東涼、旣息北蔡、無歸代馬、燕犀氣雄、天下裹糧、坐甲



後漢書  
卷之六  
固敵是求方欲大討於秦嶺敦修於輿睦叶謀  
上相爰納朕躬思所以敬答忠勲用申朝典可  
進爵爲長城縣公

○文帝登祚尊皇太后詔

朕以虛薄才非弘濟竊守藩維常懼盈滿豈圖  
蒼昊不吊國步艱難皇嗣元良藐在嶠渭二臣  
奉迎川塗靡從六傳還朝淹留永日今國圖無  
主家業事隆上奉父母之嚴規下逼羣公之廷  
誨遂以庸質升纂帝基對揚大化彌憎號懼今

宜式遵舊則奉上皇后尊號爲皇太后御慈訓  
宮一依前典若中流靜晏皇嗣歸來輒當解紱  
於箕山之陽歸老於瑯琊之國復子明辟還承  
寶圖若問與夷無媿園寢

封始興王詔

漢祖天倫伯叔追封晉元世系瑯琊傳國仰惟  
二后重光率由前典朕昔因蕃次蒙繼本宗分  
在要荒久離寒燠天嘉紹祚別命皇枝歸自嶠  
函禮隔登獻每至霜庭可履矚垣寢而懷悲風



後集 卷之七  
樹鳴條望章陵而增感。今嗣王乖德，獲罪慈訓，永言主奠，宜自朕躬。但國步時艱，皇基務切，復奉家業，升纂帝圖，重違情禮，言淡哽慟，可以第二皇子升陵爲始興王。

策文

梁禪陳策文

咨爾陳王，惟昔上古，厥初生民，飄連粟陸之前，容成大庭之代，並結繩寫鳥，杳冥慌忽，故靡得而詳焉。自羲農軒昊之君，陶唐有虞之主，或垂衣而御四海，或無爲而子萬姓，居之如馭朽索，去之如脫敝屣，裁遇許由，便能捨帝，暫逢善卷，卽以讓王，故知玄扈璇璣，非關尊貴，金根玉輅，示表君臨，及南觀河渚，東沈刻璧，精華旣竭，耄



勤已倦，則抗首而笑。唯賢是與，謗然作歌。簡能  
斯授。遺風餘烈，昭晰圖書。漢魏因循，是爲故實。  
宋齊授受，又弘斯義。我高祖應期撫運，握樞御  
宇，三后重光。祖宗齊聖，及時屬陽九。封豕薦食，  
西都失馭。夷狄交侵，乃衆天成。輕弄龜鼎，慄慄  
黔首。若崩厥角，微微皇極。將甚綴旒，惟王乃聖。  
乃神欽明文思，二儀竝運。四時合序，天錫智勇。  
人挺雄傑，珠庭日角。龍行虎步，爰初投袂。日廼  
勤王，電掃番禺。雲撤彭蠡，揃其元惡。定我京畿。

及王賀帝弘，貿茲冠履。旣行伊霍，用保冲人。震  
澤稽陰，並懷叛逆。獯厥醜虜，三亂皇都。裁命偏  
師，二邦自殄。薄伐獫狁，六戎盡殲。嶺南叛渙，湘  
郢結連。賊帥旣擒，兇渠傳首。用能百揆，時序四  
門。允穆無思，不服無遠。不屆上達穹昊，下漏深  
泉。蛟魚並見，謳歌攸屬。况乎長彗橫天，已徵布  
新之兆。璧日斯旣，實表更姓之符。是以始創義  
師，紫雲曜彩。肇惟尊主，黃龍負舟。楛矢素葷，梯  
山以至。白環玉玦，慕德而臻。若夫安國字萌，本



因萬物之志、時乘御宇、良會樂推之心、七百無常期、皇王非一族、昔木德旣季、而傳祚於我有梁、天之曆數、允集明哲、式遵前典、廣詢羣議、王公卿尹、莫不攸屬、敬從人祇之願、授帝位於爾躬、四海困窮、天祿永終、王其允執厥中、執儀前式、以副溥天之望、禋祀上帝、時膺大禮、永固洪業、豈不盛歟、

陳公九錫文

大哉乾元、資日月以貞觀、至哉坤元、憑山川以

戴物、故惟天爲大、陟配者欽明、惟王建國、翼輔者齊聖、是以文武之佐、磻溪蘊其玉璜、堯舜之臣、澗河鏤其金版、况乎體得一之鴻姿、寧陽九之危厄、拯橫流於碣石、撲燎火於崑岑、驅馭於韋彭、跨蹶於秦晉、神功行而靡用、聖道運而無名者乎、今將授公典策、其敬聽朕命、日者昊天不弔、鍾亂於我國家、網漏吞舟、疆胡內聳、茫茫宇宙、慄慄黎元、方足圓顛、萬不遺一、太清否亢、橋山之痛已深、太寶屯如、平陽之禍相繼、上宰



膺運康救兆民、鞠旅於滇池之南、揚旌於桂嶺之北、懸三光於已墜、謚四海於羣飛、屠猊獠於中原、斲鯨鯢於濛汜、蕩寧上國、光啓中興、此則公之大造於皇家者也、旣而天未悔禍、夷醜荐臻、南夏崩騰、西京蕩覆、羣胡孔熾、藉亂乘間、推納藩枝、盜假神器、冢司昏撓、旁引寇讐、旣見貶於桐宮、方謀危於漢閣、皇運已殆、何殊贅旒、中國搖然、非徒如綫、公赫然投袂、匡救本朝、復莒齊都、平戎王室、朕所以還膺寶歷、重履宸居、挹

建武之風猷、謨宣王之雅頌、此又公之再造於皇家者也、公應務之初、登庸惟始、三川五嶺、莫不窺臨、銀洞珠宮、所在寧謐、孫盧肇爨、越貊爲災、番部沾危、勢將淪殄、公赤旗所指、祆壘洞開、白羽纔擣、兇徒紛潰、非其神武、久喪南藩、此又公之功也、大同之末、邊政不修、李賁狂迷、竊我交愛、敢稱大號、驕恣甚於尉陀、據有連州、雄豪熾於梁碩、公英暮雄算、電掃風行、馳御樓船、直跨滄海、新昌典徹、備履艱難、蘇歷嘉寧、盡爲京



觀三山獠洞。八角蠻阨。逃矣水寓之鄉。悠哉火山之國。馬援之所不屆。陶璜之所未聞。莫不懼我王靈。爭朝邊候。歸睽天府。獻狀鴻臚。此又公之功也。自寇虜陵江。宮闈幽辱。公枕戈嘗膽。提劍撫心。氣涌青霄。神飛紫闥。而番禺連率。本自諸夷。言得其朋。是懷同惡。公仗此忠誠。乘機勦定。執沛令而釁鼓。平新野而據鞍。此又公之功也。世道初艱。方隅多難。勲門桀黠。作亂衡疑。兵切池隍。衆兼夷獠。公以國盜邊警。知無不爲。卹

是同盟。誅其醜類。莫不魚警鳥散。面縛頭懸。南土黔黎。重保蘇息。此又公之功也。長驅嶺嶠。夢想京畿。緣道酋豪。遁爲榛梗。路養渠率。全據大都。蓄聚逋逃。方謀阻亂。百樓不戰。雲梯之所未窺。萬弩齊張。高紉之所非敵。公龍驤虎步。嘯吒風雲。山靡堅城。野無強陣。清祆氛於瀨石。滅沙氣於霄都。此又公之功也。遷仕凶匿。屯據大臯。乞活類馬騰之軍。流民多杜弢之衆。推鋒轉鬪。自北徂南。頻歲稽誅。實惟勅虜。公坐揮三略。遙



制六奇、義勇同心、貌貅騁力、雷奔電擊、谷靜山空、列郡無犬吠之驚、叢祠罷狐鳴之盜。此又公之功也。王師討虜、次屈淪波、兵乏兼儲、士有饑色、公回麾蠡澤、積穀巴丘、億庾之詠、斯豐壺漿之迎。是衆軍民轉漕、曾無砥柱之難、艦舳相望、如運敖倉之府、犀渠貝冑、顧蔑雷霆、高艦層樓、仰捫霄漢、故使三軍勇銳、百戰無前、承此兵糧、遂殄兇逆。此又公之功也。若夫英圖邁俗、義旅如雲、湓壘猜攜、用掩戎略、公志唯同、獎師克在。

和鵠塞非虞、鴻門是會、若晉侯之誓白水、如蕭王之推赤心、屈禮交盟、人祇感咽、故能使舟師並路、遠邇朋心。此又公之功也。姑熟襟要、峭函阻憑、寇虜據其關梁、大盜負其扁鑄、公一校裁、三雄並奮、左賢右角、沙潰土崩、木甲殫於中原、氊裘赴於江水、他他藉藉、萬計千羣、鄂坂之隘、斯開、夷庚之道、無塞。此又公之功也。義軍大衆、俱集帝京、逆豎兇徒、猶屯皇邑、若夫表裏山河、金湯嶮固、疏龍首以抗殿、掄華嶽以爲城、雜



虜憑焉。疆兵自若。公回茲地軸。抗此天羅。曾不崇朝。俾無遺噍。軍容甚穆。國政方修。物重覩於衣冠。民還瞻於禮樂。楚人滿道。爭覩於葉公。漢老銜悲。俱歡於司隸。此又公之功也。內難初靜。諸侯出關。外郡傳烽。鮮卑犯塞。莫非沮渠當戶。中貴名王。冀馬列於淮南。胡笳動於徐北。公舟師步甲。亘野橫江。殲厥羣羝。遂殫封豨。莫不絀木而止。戎車靡遺。遇濔而旋。歸驂盡殫。此又公之功也。公克黜禍難。劬勞皇室。而孫寤之黨。翻

啓狹心。伊洛之間。咸爲虜戍。雖金陵佳氣。石壘天巖。朝闇戎塵。夜喧胡鼓。公三籌旣畫。八陣斯張。裁舉靈旗。亦抽金僕。咸俘醜類。悉反高墉。異李廣之皆誅。同龐元之盡赦。此又公之功也。任約叛渙。梟聲不悛。戎羯貪婪。狼心無改。穹廬羶幕。抵北闕而爲營。烏孫天馬。指東都而成陣。公左甄右落。箕張翼舒。掃是攙搶。驅其獫狁。長狄之種。埋於國門。椎髻之首。烹於軍市。投秦坑而盡拂。墮濔水而不流。此又公之功也。一相居中。



廣呂嘉既獲。吳淠已挺。命我還師。征其不恪。連營盡拔。僞黨斯擒。曜聖武於匡山。回神旌於蠡派。此又公之功也。自八紘九野。瓜剖豆分。竊帝偷王。連州比縣。公武靈已暢。文德又宣。折簡馳書。風猷斯遠。至於蒼蒼洛日。杳杳無雷。北洎丈夫之鄉。南踰女子之國。莫不屈膝膜拜。求吏款關。此又公之功也。京師禍亂。亟積寒暄。雙闕低昂。九門寥豁。寧秦宮之可顧。豈魯殿之猶存。五都簪弁。百僚卿士。胡服縵纓。咸爲戎俗。高冠厚

履。希復華風。宋微子麥穗之歌。周大夫黍離之歎。方之於斯。未足爲悲矣。公求衣昧旦。晏食高春。典構宮闈。具瞻遐邇。郊庠宗稷之典。六符十等之章。還聞太始之風流。重覩永平之遺事。此又公之功也。公有濟天下之勲。重之以明德。凝神體道。合德符天。用百姓以爲心。隨萬機而成務。恥一物非唐虞之民。歸含靈於仁壽之域。上德不德。無爲以爲。夏長春生。顯仁藏用。忠信爲寶。風雨弗憊。仁惠爲基。牛羊勿踐。功成治定。樂



奏咸雲安上治民禮兼文質物色丘園衣裾里巷朝多君子野無遺賢菽粟同水火之饒工商富猗頓之旅是以天無蘊寶地有呈祥瀟露卿雲朝團曉映山車澤馬服馭發閑既景煥於圖書方葳蕤於史謀高勲踰於象緯積德冠於嵩華固無得而稱者矣朕又聞之前王宰世茂賞尊賢式樹蕃長總征羣伯二南崇絕四履遐曠泱泱表海祚土維齊巖巖泰山俾侯於魯抑又勤王反鄭夾輔遷周召伯之命斯隆河陽之禮

咸備况復經營宇宙寧唯斷鰲足之功弘濟蒼生非直鑿龍門之嶮而疇庸報德寂爾無聞朕所以垂拱當宁載懷慙悸者也今授公相國以南豫州之陳留南丹陽宣城揚州之吳興東陽新安新寧南徐州之義興江州之鄱陽臨川十郡封公爲陳公錫茲青土苴以白茅爰定爾邦用建冢社晉旦奭分陝俱爲保師晉鄭諸侯咸作卿士兼其內外禮實攸宜今命使持節兼太尉王通授相國印綬陳公璽綬使持節兼司空



王瑒授陳公茅土金獸符第一至第五左竹使符第一至第十相國秩踰三鉉任總百司位絕朝班禮由事革其以相國總百揆除錄尚書之號上所假節侍中貂蟬中書監印章中外都督太傅印綬義興公印策其鎮衛大將軍揚州牧如故又加公九錫其敬聽後命以公禮爲楨幹律等銜策四維皆舉八柄有章是用錫公大輅戎輅各一玄牡二駟以公賤寶崇穀疏爵待農室富京坻民知榮辱是用錫公袞冕之服赤舄

副焉以公調理陰陽燮諧風雅三靈允降萬國同和是用錫公軒縣之樂六佾之舞以公宣導王猷弘闡風教光景所照鞮象必通是用錫公朱戶以居以公抑揚清濁褒德進賢髦士盈朝幽人虛谷是用錫命納陛以登以公嶷然廊廟爲世鎔範折衝四表臨御八荒是用錫公虎賁之士三百人以公執茲明罰期在刑措象恭無赦干紀必誅是用錫公斧鉞各一以公英猷遠量跨厲嵩嶽抱一車書括囊寰宇是用錫公彤



徐僕射集 卷全 六  
弓一彤矢百旅弓十旅矢千以公天經地義貫  
徹幽明春露秋霜允恭粢盛是用錫公秬鬯一  
卣圭瓚副焉陳國置丞相以下一遵舊式往欽  
哉其恭循朕命克相皇天弘建邦家允興洪業  
以光我高祖之休命

璽書

陳武帝下州郡璽書

夫四正革代商周所以應天五勝相推軒羲所  
以當運梁德不造喪亂積年東夏奔騰西都蕩  
覆蕭勃干紀非唯趙倫侯景滔天踰於劉載貞  
陽反篡賊約連兵江左累屬於鮮卑金陵久非  
於梁國自有氤氳混沌之世龍圖鳳紀之前東  
漢興平之初西朝永嘉之亂天下紛崩未有若  
於梁朝者也朕以虛薄屬當興運自管登庸首



清諸越徐門浪泊靡不征行浮海乘山所在戡  
定冒愆風塵騁馳師旅六延梁祀十剪強寇豈  
曰人謀皆由天啓梁氏以天祿斯改期運永終  
欽若唐虞推其鼎玉朕東西退讓拜手陳辭避  
舜子於箕山之陽求支伯於滄洲之野而公卿  
敦逼率土翹惶天命難稽遂享嘉祚今月乙亥  
升禮大壇言念遷桐但有慙德自梁氏將末頻  
月亢陽火運斯終秋霖奄降翌日成禮圓丘宿  
設埃雲晚霽星象夜張朝景重輪沍三危之膏

露晨光合璧帶五色之卿雲顧惟寡薄彌慙休  
祉昧且丕顯方思致治卿等擁旄方岳相任股  
肱剖符名字方寄恤隱王曆惟新念有欣慶想  
浚求民瘼務在廉平愛惠以撫孤貧威刑以禦  
疆猾若有萑蒲之盜或犯戎商山谷之首擅疆  
幽險皆從肆赦咸使知聞如或迷途俾在無貸  
今遣使人具宣往旨念思善政副此虛懷

梁禪陳璽書

君子者自昭明德達人者先天弗違故能進退



咸亨、動靜元吉。朕雖蒙寡庶乎景行，何則三才剖判，九有區分，情性相乖，亂離云起。是以建彼司牧，推乎聖賢，授受者任其時來，皇王者本非一族。人謀是與，屈已從萬物之心，天意斯歸，鞠躬奉百靈之命，謳謨所往，則攘袂以膺之。菁華已竭，乃塞裳而去之。昔在唐虞，鑒於天道，舉其黎獻，授彼明哲。雖復質文殊軌，沿革不同，歷代因循，斯風靡替。我大梁所以考庸太室，接禮貳宮。月正元日，受終文祖，但運不常，夷道無恒，泰

山嶽傾偃，河海沸騰，電目雷聲之禽，鉤爪鋸牙之獸，咀齧含生，不知紀極。二后英聖，相仍在天，六夷貪狡，爭侵中國。縣王都帝，人懷千紀，一民尺土，皆非梁地。朕以不造，幼罹閔凶，仰憑衡佐，亟移年序，周成漢惠，邈矣無階。惟是童蒙必貽顛蹙，若使時無聖哲，世靡艱難，猶當高蹈於滄州，自求於泰伯者矣。惟王應期誕秀，開籙握圖，性道故其難聞，嘉庸已其被物。乾行同其燾覆，日御比其貞明。登承聖於復禹之功，樹鞠子於



興周之業、滅陸渾於伊洛、殲驪戎於鎬京、大小  
二震之驍徒、東南兩越之勅寇、遠行天討、無遺  
神策、於是祖述堯舜、憲章文武、大樂與天地同  
和、大禮與天地同節、鼓之以雷霆、潤之以風雨、  
仁霑蔭葦、信及豚魚、殷鑠斯空、夏臺虛設、民惟  
大畜、野有同人、升平頌平、無偏無黨、固以雲飛  
紫蓋、水躍黃龍、東伐西征、晻映川陸、榮光曖曖、  
已冒郊塵、甘露瀼瀼、亟流庭苑、車轍馬跡、誰不  
率從、蟠水流沙、誰不懷德、祥圖遠至、非唯赤伏

之符、靈命昭然、何止黃星之氣、海口河目、賢聖  
之表、旣彰握旄執鉞、君人之狀、斯偉且自、攝提  
無紀、孟陬殄滅、枉矢宵飛、天弧曉映、久矣夷羊  
之在牧、時哉蛟龍之出泉、革運之兆、咸徵惟新  
之符、並集朕以欽若、勛華屢回、星瓘昔者、木運  
斯盡、予高祖受焉、今歷去炎、精神歸樞、紐敬以  
火德、傳於爾陳、遠鑒前王、近謀羣辟、明靈有悅、  
率土同心、今遣使持節兼太保侍中尚書左僕  
射平樂亭侯王通兼太尉司徒左長史王瑒奉



皇帝璽綬受終之禮。一依唐虞故事。王其時陟元后。寧育兆民。光闢洪猷。以承昊天之休命。

表

勸進梁元帝表

臣聞封唐有聖。還承帝嚳之家。居代惟賢。終纂高皇之祚。無爲稱於革鳥。至治表於垂衣。而撥亂反正。非間前古。至如金行重作。源出東筦。炎運猶昌。枝分南頓。豈得掩顯姓於軒轅。非才子於顓頊。莫不因時多難。俱繼神宗者也。伏惟陛下出震等於勛華。鳴謙同於且奭。握圖乘鉞。將在御天。玉騰珠衡。先彰元后。神祇所命。非惟太



室之祥圖盡斯歸何止堯門之瑞若夫大孝聖  
人之心中庸君子之德固以作訓生民貽風多  
士一日二日研覽萬機允文允武包羅羣藝擬  
茲三大賓是四門歷試諸難咸熙庶績斯無間  
而稱也自無妄爲象鍾禍上京梟獍處劉宗社  
蕩墜麟頭鐵額興暴皇年封豨修蛇行災中國  
靈心所宅下武共興望紫極而行號瞻丹陵而  
頌慟家寃將報天賜黃鳥之旗國害宜誅神奉  
玄狐之籙冠李軼於河津征陶謙於海岱滕公

擁樹雄氣方嚴張繡交兵風神彌勇忠誠貫於  
日月孝義感於冰霜如雷如霆非貔非虎前驅  
効命元惡斯殲旣挂膽於西州方燃臍於東市  
蚩尤三塚寧謂嚴誅王莽千刺非云明罰青羗  
赤狄同畀豺狼胡服美言咸爲京觀邦畿濟濟  
還見隆平宗祀愔愔方承多福自氤氳渾沌之  
世驪連粟陸之君卦起龍圖文因鳥跡雲師火  
帝非無戰陣之風堯誓湯征咸用于戈之道星  
躔東井時破滄潼雷震南陽初平尋邑未有援



三靈之已墜，救四海之羣飛，赫赫明明，躬行天罰。如當今之盛者也。於是卿雲似蓋，晨映姚鄉，甘露如珠，朝華原寢，芝房感德，咸出銅池，萸莢伺辰，無勞銀箭，重以東漸玄菟，西踰白狼，高柳生風，扶桑銜日，莫不編名屬國，歸質鴻臚，荒服來賓，遐邇同慶，其文昭武穆，跼萼也如彼，天平地成，功業也如此，久應旁求掌故，諮詢天官，斟酌繁昌，經營高邑，宗王啓霸，非勞武德之侯，清蹕無虞，何事長安之邸，揚龍旂以饗帝，御鳳展

以承天，曆數在躬，疇與爲讓，去月二十日，兼散騎常侍柳暉等至鄴，伏承聖旨，謙冲爲而不宰，或云洛陽未復，亟谷無泥，旋駕金陵，方膺天睠，愚謂大庭少昊，非有定居，漢祖殷宗，皆無恒宅，登封岱嶽，且署明堂，巡狩章陵，時行司隸，何必西瞻虎踞，乃建王宮，南望牛頭，方稱天闕，抑又聞之，玄珪旣錫，蒼玉無陳，乃棧樸之愆，期非苞茅之不貢，雲和之瑟久廢，甘泉孤竹之管無聞，方澤豈不懼歟，伏願陛下，因百姓之心，振萬邦



之命。豈可逡巡固讓。方求石戶之農。高謝君臨。徒引箕山之客。未知上德之不德。惟見聖人之不仁。率土翹瞻。蒼生何望。昔蘇季張儀。違鄉負俗。尚復招三方以事趙。請六國以尊秦。况臣等顯奉皇華。親承朝命。珪璋特達。通聘河陽。貂珥雍容。尋盟漳水。加牢貶館。隨世汗隆。瞻望鄉關。誠均休戚。但輕生不造。命與時乖。忝一介之行。人同三危之遠。擯承閉內殿。事絕耿弇之恩。封奏邊城。私等劉琨之哭。不勝區區之至。謹拜表以聞。

○讓五兵尚書表

臣聞仲尼大聖。猶云書不盡言。士衡高才。常稱文不逮意。臣比哀疴自積。思緒茫然。頻託朋遊。爲裁章表。雖復陳琳健筆。未盡愚懷。孫惠辭人。頗加煩飾。所以高天緬邈。弗降昭回。瞻拜絲綸。更增憂憊。臣雖不敏。弱冠登朝。伊昔承華。豫遊多士。晚逢興運。爰濫寵私。爾時四郊多壘。七雄分爭。國家制度。日不暇給。趙宮論受命之宜。隨



邑奏升壇之禮。而叅聞秘計。弗解單于之兵。飛箭馳書。未動聊城之將。不期枚乘老叟。忽降時恩。馮唐暮年。見申明主。擢宰京邑。朝坐棘林。遂致洛陽無雨。非比長安多盜。其宜屏錮。用寘嚴科。猶處名僚。久爲叨竊。但著書天祿。雖如劉向。朔望登朝。轉同王隱。於其朽劣。尚可從容。司會文昌。邈然非據。

○讓散騎常侍表

臣聞五十知命。宗師之格言。六百辭滿。通賢之高槩。昔墨子諸生。寒裳捋楚。魯連隱士。高論却秦。况乎謬蒙知己。寧無感激。洪私過誤。寘以通班。司憲文昌。遂諧常伯。今者昆吾小器。諦視不見。玄黃鈞天。並奏靜聽。能聞鐘鼓。雖神農分藥。岐伯提針。冥衆因緣。難可匡救。陛下嗣臨寶曆。光闡大猷。屬意銓衡。留情標棧。燕臺裝玉。儻不精真。齊客吹竽。諒宜澄簡。南郊奉乘。當求鄭默之才。西省文辭。應用羅含之學。

、讓左僕射初表



後集身集 卷全 三  
臣聞七十之歲。楊雄擬經。六十之年。平津對策。若斯強壯。無歎耆老。臣勵則胄華軒冕。才允卿相。出納流譽。朝野其瞻。臣弘正國老儒宗。情尚虛簡。玄風勝業。獨王當年。臣種氣懷沈密。文史優裕。東南貴秀。朝廷親賢。並見壯猷。皆宜左執。若漢武好少。則微臣已老。若周文愛老。則有此羣才。伏願天明。更謀梓匠。求其妙選。稱是能官。〃〃讓右僕射初表。加以言尋盟好。仍屬亂離。先零盜其牛馬。烏孫

竊其印綬。子卿茹雪。叔向爲凶。雖復東歸。備罹此厄。昔李廣遺恨。不值漢初。甯戚自悲。不逢堯禪。臣隨望聖運。實在權輿。時參決勝之籌。頗奏發兵之議。當塗錫舍。非無董昭之誠。典午禪文。不降張華之實。

○爲王儀同致仕表

尺波歸海。恒歎不居。爝火爲薪。猶悲假續。况復星迴日薄。通人有乞告之言。鐘鳴漏盡。前史有夜行之誠。五陵鼎族。家傳軒冕。四姓卿侯。榮由



恩澤。虛名靡實。世官非才。年力方強。不能辭退。今三元肇慶。六呂司春。得奉萬壽之盃。豫參百辟之禮。便釋朝衣。謹遵初服。同孔光之杖。載遊戶庭。廣德之車。方懸私館。

、、爲始興王讓瑯琊二郡太守表

甫離懷袖。裁脫綺紈。適荷隆私。使膺珪組。執玉不起。樞衣未勝。自甘泉通火。細柳屯兵。旁帶戎臣。頗同疆場。言瞻漢草。迺曰中州。遙望胡桑。已成邊郡。誠復居藩體國。應思馬駿之功。論地惟親。宜慕蕭彰之勇。



移文

爲護軍長史王質移文

比金風已勁、玉露方圓、宜及窮秋、幸踰高塞、當使孤旌不反、隻騎無還、非止湯羅、豈知堯德、其承比年民墊、仍歲蘊隆、粒粟貴於隨珠、分糜乏於齊鼎、且氏羗旅拒、已跨伊瀍、胡羯憑陵、方踰汾潞、刺虎之勢、時期卞生、拾蚌之機、彌驗蘇子。但國家體茲明信、有同皎日、豈惟風雨之旦、猶救匹夫、宵夢之言、無欺幽壤、賊華皎近、以臨蕃



有譴作牧無童，既懼檻車之徵，便憂齊斧之戮。遂乃治兵楚夢，竊載干戈，傍引西戎，共謀東夏。僞周遣其衛國公宇文直等，總統獯獫，爲其羽翼，醜徒濟岸，來攻郢城，逆豎浮舟，同趣夏浦。王師艤棹，素在中流，羣帥爭驅，應時殲蕩。羗胡寶馬，縱橫七澤之中，荆楚樓船，彌滿三江之上。俘禽所獲，水陸無遺，華皎擢自芻微，叨居藩翰，情慙犬馬，罔顧恩靈，翻執干戈，自圖家國，聞諸間諜，具彼鄰謀，乃授冬官，卽爲鄉導，雖傷仁義之俗，非敢有私，期和與之情，猶冀無失。

移齊文

獲去月二十日，移承羯寇平殄，同懷慶悅，眷言隣穆，深副情佇，夫天綱之大，固無微而不擒，神武之師，本無征而不克，至如戎王傾其部落，逆豎道其鄉關，非厥英圖，殆難戡戮，况復洞庭，遐曠兵食，殷阜西窮，版屋北罄，氍廬聲冠，符姚勢兼，聰勒庸蜀，寶馬彌山，不窮巴漢，樓船凌波，無際我之元戎，上將協力同心，承稟朝暮，致行明



罰爲風爲火。殪彼蒙衝，如霆如雷。擊其舟艦，羗兵楚賊。赴水沉沙，棄甲則兩岸同奔。橫尸則千里相枕。江川盡滿，譬睢水之無流。原隰窮胡，等陰山之長哭。於是黑山叛邑，諸城洞開。白虜連羣，投戈請命。長沙鵬鳥，靡復爲妖。湘川石燕，自然還儻。克翦無算，縲禽不貲。欲計軍俘，終難巧曆。所獲龍駒驥子，百千其羣。更開首藉之圍。方廣駒駝之廐。於是衛霍甘陳，虬髯瞑目。心馳隴路，志飲河源。乘勝長驅，未知所限。豈如桓温不

武。棄彼關中。殷浩無能。長茲羗賊。方且西踰。酒郡抵我境。而置邊亭。東略咸池。爲齊朝而反。侵地。此政亦剪妖氛。未窮巢宙。便聞慶提。愧佩良淡。



檄

檄周文

主上恭膺寶歷、嗣奉瑤圖、既稟聖人之材、兼富神武之略、又安兆庶、共靖戎華、用戢干戈、永銷鋒鏑、况復追惟在楚、無忘玉帛之言、軫念過曹、猶惑盤餐之惠、年馳玉節之使、歲降銀車之恩、庶使懷音、微悟知感、而反其藏匿、招我叛臣、翊從瀟湘、空竭開壘、荆梁左右、漢沔東西、籲地呼天、望停哀救、夫一人掩泣、猶愴滿堂、百姓爲心



彌切宸扆。大都督吳明徹。台司上將。德茂勲高。威著荆湘。化聞庸蜀。叱咤而平。宿豫吹噓而定。壽陽席卷江淮。無淹弦望。

啓

安成王讓錄尚書表後啓

臣聞間平統國。乃盛漢之常儀。郗霍無官。實宗周之明典。何則。皇季之重。非待歷階。王爵之隆。自高羣辟。况臣戢翼。嬰荒。亟離寒暑。進慙趙勝。能定楚從。退匪齊文。馳免秦厄。固以內切皇心。外貽家恥。甘輸重餌。降禮單于。迺城十五。如請和璧。市鄉三十。聊同寶劍。武夫力而獲。諸原。微臣還而反。諸敵。瞻言馬駿。著隴右之功。追念曹



彰克烏丸之虜。前王子弟。若此勲庸。偏其反而。豈可勝愧。

謝勅賚燭盤賞答齊國移文啓

昔班彪草移。阮瑀裁書。馳譽當年。遂無加賞。非常大賚。始自今恩。雖賈逵之頌神雀。竇攸之對鼯鼠。漢臣射覆之言。魏士投壺之賦。方其寵錫。獨有光前。官燭斯燃。更慙良吏。宵光可學。乃會耆年。臣職居南史。身典東觀。謹述私榮。傳之方策。

謝勅賜祀三皇五帝餘饌啓

竊以甘泉之殿。舊禮義軒。長樂之宮。本圖堯舜。自東京晚世。曠代無聞。西漢盛儀。復覩今日。金壺流十旬之氣。玉案備千品之羞。管絳羅爲薦。既延王母。紫蓋爲壇。允招太一。同斯爽號。理致衆星。臣以餘年。豫聞清祀。如陪瑤席。遂飲瓊漿。

謝兒報坐事付治中啓

夫拾金樵路。高士所羞。整冠季下。君子斯慎。兒報不能謹潔。敢觸嚴網。奉趾鐵繫。事允法科。左



後集身身 卷全  
校論輪實繇恩宥老臣過庭之訓多謝古賢折  
筭之杖有愧前達。

謝賚麇啓

臣昨旣陪羽獵仍宴上林固謝長卿之文彌慙  
子雲之賦預叨鮮禽已同監滿頻蒙大饗更異  
梁王詰旦歸來猶爲飽飫虞衡所獻復降命恩  
賜細君以爲歡非屠門而大嚼

謝東宮賚蛤蜊啓

船俗嚴戈漁人資設于彼海童冒茲水豹望樓  
闕之氣得波潮之下

謝賚蛤啓

鴻化 雀入猶新纔變秋成已聞冬獻



書

○爲貞陽侯與太尉王僧辯書

昔自天狼炳曜。非無戰陣之風。參虎揚芒。便有  
干戈之務。至於夏鍾夷羿。周厄犬戎。漢委珠囊。  
秦亡寶篋。彰於史籍。可得而聞。未有國家殲危。  
遂若當今者也。我大梁膺龍圖而受命。御鳳邨  
以承天。軒頊比於諸侯。湯武方於兒戲。三光有  
又。四海無波。靈貺咸臻。表裏禔福。非日非月。蒼  
生仰其照臨。如雲如雨。天下蒙其恩蔭。而屯亨



有數、剝極爲災、梟獍豺狼、肆逞兇逆、後主誕資、上聖、光啓中興、大剪仇讐、方平宗社、雖復瀟湘、舉斧庸蜀、彎弓凡厥、兇徒誰不殲撲、豈圖天未、悔禍、喪亂薦臻、羗虜無厭、乘此多難、虞劉我南、國蕩覆我西京、奉聞驚號、肝膽崩潰、雖復金行、版蕩、火政淪亡、綠林青犢之群、黑山白馬之卒、八王故事、曾未混淆、九州春秋、誰去禍亂、昔隆、周徙播、皆憑晉鄭之功、疆漢阡危、終假虛牟之力、今者武皇之子、無復一人、藐是孤孫、還同三

叛等子、頽而爲暴、同劉芳而入關、乞命諸戎、勢何支久、孤宗室之長、爰自布衣、皇運之初、彌承天德、何則、據鞍輟哭、雖紹霸圖、獨居掩涕、終討家怨、孤二三昆季、方可戴天、被此恩慈、如何酬答、所以徐彭之役、不吝輕軀、哀荷之誠、久聞朝聽、况復邦家不造、至此橫流、宗社無依、何所逃貴、因以提戈負劍、卧泣行號、言念荆巫、志雪讎耻、大齊觀書有洛、輯瑞榮河、功格蒼旻、德滿天地、慈孝之道、通於百靈、仁信之風、覃於萬國、是



以日月所照、舟車所通、候海水以來賓、瞻蒼雲以奉貢。昔自軒農炎昊、曾無宣國之規。虞夏商周、非有伐戎之畧。豈知華夷仰德、遠近同心。穀價無堯湯之憂、糧儲同水火之賤。精兵利器、勢勇靄霆。天馬龍媒、量比山谷。斯固開闢以來、未之有也。至於親鄰之道、夙契逾深。無改曩懷、增感彌篤。以爲興亡繼絕、事昞前經。推擇庸虛、命守宗禋。方欲仰憑神武、清我寇讎。旨驗難違、諸懷更慝。明公誕膺時運、光贊本朝。勒瑞姜瓖、書

名何鼎。故以通期管樂、冥契風雲。戮不世之渠兒、殲滔天之巨寇。重以三湘放命、七國連從。征旅東西、必翦妖逆。雖復棧道木闌、田單之奉舊齊。縮璽將兵、周勃之扶隆漢。中宗佐命、俱畫丹青。光武功臣、皆懸星象。非貔非虎之封、同心同德之勞。校彼功庸、曾何髣髴。但與存與亾。期於體國。喪君有君。寧容無主。夙承所立、猶則辱蒙天步方難、寧可弘濟。自淹留大國、志荷恩私。朝夕宮闈、預奉顏色。黃河白日、亟亶誠言。分災卹



患事非虛旨。但善相小國。終資大賢。定我邦家。  
繫公是賴。淮流不竭。豈獨瑯琊。望能喻此衷懷。  
思之無忽。近陸居士有啟。陳其禍亂。朝旨卽命。  
河東王岳等。勤率羆熊。便相抵赴。道阻且長。雖  
無之及。所聞西浮夏首。便當險隘之衝。南捍巴  
陵。方拒窺窬之寇。上黨王皇。齊寵弟。是號宗英。  
親御戎軒。遠于將送。裴侍中英。起淮南貴族。兼  
事戎行。躍冀馬者千羣。披燕犀者萬隊。來自河  
陽。曾不旬日。持節徐武。潼三州諸軍事。散騎常  
侍明遠將軍東徐州刺史始興縣開國侯湛海  
珍等。並前朝舊將。夙著勲庸。推轂海邊。屬是喪  
亂。雖復拔身有道。志雪朝怨。咸預戎行。共指鄉  
國。江淮舊隸。悉已招携。方稟英謨。共翦讎難。去  
月將晦。便屆壽春。已具舟師。將臨江浦。使人入  
境。行陳所懷。撥日覘光。遲在還牘。當使宗祊有  
主。余同小白之勲。家國無虞。公保阿衡之貴。何  
其美也。豈不休哉。言念此私。但以號咽。

○爲貞陽侯答王太尉書



姜常侍鬻至復枉去月三十日告具公所懷良以慨息孤雖庸薄不及通賢猶曰生民寧無心識自皇家禍亂亟積寒暄九州萬國之人蟠木流沙之地莫不行號臥泣想望休平何況于孤預在宗室家荷報雪之恩身蒙鞠養之愛者先皇之慈也蒸嘗不絕於私廟子弟得嗣於南藩者後主之惠也朱方之地建業之都誰家丘陵誰家宮廟豈有爲人臣子荷此恩靈親執干戈自殉家國公之忠孝信感人神公之盟誓事同

懸象雖復宗盟不造骨肉爲讎安可相期盡如蕭誓耶古者天子六軍是爲萬乘今日凶荒致闕斯禮偏裨將校尚握精兵州郡官曹各有交吏未有居稱宸座行曰乘輿遂無五尺之童高謝千人之長於公明允意復云何國家凋荒旣乏屯衛皇齊與睦幸惠優矜何乃自起趨趨苟逼鄰德克勘禍亂欲立功名咸自軍師豈在芻糝湛海珍等前朝舊將差匪齊人分給羸兵卽是梁甲非云背信豈曰渝盟朝野羣雄何所攜



行身集 卷全 四  
貳且公天資命世再造皇家梁代之桓文蕭宗  
之伊管誰其遠近不稟英謨如有姦回正速齊  
斧尚何憂於共工何畏於有苗哉所覽來書既  
爲疑難上黨王恭承朝旨不敢相同方篤鄰和  
不容全異如須減損更遲行人張廷尉種等所  
具此無多及

○爲貞陽侯重與王太尉書

席威卿等還在此月十四日告披覽未周良深  
慨息昔長平建策猶聞蝕昴之徵疎勒効忠時

致飛泉之感豈在余涼德書不盡言遂使吾賢  
猶迷所執斯故銜哀掩淚仍復披陳者也孤以  
庸薄寧有霸圖侯服于周常懼盈滿豈望身居  
黃屋手御青綸揖讓而對三靈端委而朝百辟  
詢諸圉牧莫不皆知援誓神明固自無爽但大  
齊仁信之道關於至誠睦鄰之懷由於孝德遂  
蒙殊獎歸嗣本朝拜首陳辭敦誘彌廣旣而仇  
讐未殄方憑大國之威宗祏岌危尤仰親仁之  
德儷俛恩寄號覲惟深而勅諭分明信誓殊重



乃云邦家有义社稷無虞凡廣陵歷陽皆許見  
還白水黃河屢奉然諾至於夏藩衝要控遏上  
流且命強兵爲我臨據若其自有精甲能捍醜  
徒並用還梁皆如前旨以孤頻經忝竊屢守淮  
淝門生故吏遍於江右凡諸部曲並使招携投  
赴戎行前後雲集霜戈雪戟無非武庫之兵龍  
甲犀渠皆是雲臺之仗文物以紀之聲名以發  
之斯實不世之隆恩寧曰循常之恒禮則公固  
天所授弘濟本朝曲阜同功營丘等烈若夫伊

尹庖厨賤宰霍光階闥小臣諸葛亮無應變之  
才管夷吾非王者之相論其世業較彼勤勞書  
契已來罕有明德且程嬰之義自古爲難荀息  
之忠良以喜慰但先朝乘玉鏡之符御金輪之  
寶菩薩之化行於十方仁壽之功沾於萬國兇  
人侯景遂殄邦家何況於今亦有吳會江東如  
掌差匪虛言淮揚在面方此非局不稼不穡多  
歷歲時大東小東全無機杼關中醜虜寧非冒  
頓之鋒齊國強兵便是軒轅之陣西南當扼喉



之勢、東北承撫背之機、首尾交侵、華夷俱騁而  
中人數歲復子方賒德未感于黎蒸、威不加于  
將帥、斯等怏怏非少主臣、安有碌碌因人成事  
公之才具、雖復明允、勢何如于天監、時何若干  
大同、乘與國之隆恩、當滔天之猛寇、匡救之德、  
翻未有從、忠許之謀、誰其相曉、臥薪待火、方此  
弗危、繫草從風、儔之非切、若能思其上策、審此  
英圖、見引軫獵之車、還向長安之邸、一則二則、  
惟在大賢、外相內相、終當相屈、正當携諸舊隸、

率我賓遊、朝服簪纓、直拜園寢、梁人望國、俱登  
赤馬之舟、齊師臨江、仍轉蒼鷹之旆、分袖南浦、  
揚鞭北風、民不疲勞、軍無怨讟、如其執事、尚秉  
前言、將恐戎麾、便濟江表、何則、西浮夏首、已據  
咽喉、東進彭波、次指心腹、廣陵京口、烽煙相望、  
魯柝聞邾、方之尚遠、胡桑對薊、匹此爲遙、水陸  
爭前、龍虎交至、則揚都蕩定、功自齊師、江左臣  
民、非關梁國、豈不追慙、後主崇寄之恩、還負齊  
朝親鄰之意、東門黃犬、固以長悲、南陽白衣、何



可復得。立茲幼弱，非曰大勲，滅我宗祊，何所逃  
豐。今復遣前吉州刺史馬嵩仁至彼，更具往懷  
想，不遠而復，無貽祇悔也。若英謨有在，方興祀  
夏之功，明監如違，便等過殷之歎。存亡社稷，一  
在于公，臨紙崩號，不復多及。

爲貞陽侯答王太尉書

姜暘至，枉示具公忠義之懷，家國喪亂，于今積  
年，三后蒙塵，四海騰沸，天命元輔，匡救本朝，弘  
濟艱難，建武宗祏，至於丘園板築，尚想來儀。公

室皇枝，豈不虛遲。聞孤還國，理會高懷，但近再  
命行人，或不宣具，公旣詢謀卿士，訪逮藩維，公  
泝往來，理淹旬月，使乎屆止，殊副所期，便是再  
立我蕭宗，重興我梁國，億兆黎庶，咸蒙此恩，社  
稷宗祧，曾不相愧。近軍次東關，頻遣信襄之橫  
處，示其可否，答對驕凶，殊駭聞矚。上黨王陳兵  
見衛，欲叙安危，無識之徒，忽然逆戰，前旌未舉，  
卽自披猖，驚悼之情，彌以傷惻。上黨王深自矜  
嗟，不傳首級，更蒙封樹，飾棺厚殯，務從優禮，齊



朝大德信感神民方仰藉皇威敬憑元宰討逆賊於咸陽誅叛子於雲夢同心協力克定邦家覽所示權景宣書上流諸將本有忠畧棄親向讐庶當不爾防奸定亂終在於公今且頓東關更待來信未知水陸何處見迎夫建國立君布在方策入盟出質有自來矣若公之忠節上感蒼旻羣帥同謀必匪携貳則齊師反旆義不陵江如致爽言誓以無克韜旗側席遲復行人曹冲奉表齊都卽押送也渭橋之下惟遲叙言汜水之陽預有號懼。

爲貞陽侯重答王太尉書

王尚書通至復枉示知欲遣賢弟世珍以表誠質具悉憂國之懷復以庭中玉樹掌內明珠無累冒懷志在匡救豈非劬勞我社稷弘濟我邦家慙歎之懷用忘興寢晉安王東京貽厥之重西都繼體之賢嗣守皇家寧非民望但世道喪亂宜立長君以其蒙孽難可成業成昭之德自古希儔冲質之危何代無此孤身當否運志不



後集身集 卷全 四  
圖生忽荷不世之恩，仍致非常之舉，自惟虛薄，兢懼已深。若建承華本歸皇胄，心口相誓，惟擬晉安如或虛言，神明所殛，覽今所示，深遂本懷，載慰之情，無寄言象。但公憂勞之重，旣稟齊恩，忠義之情，復及梁貳，華夷兆庶，豈不懷風，宗廟明靈，豈不相感。正爾回旆，仍向歷陽，所期質累，便望來彼，衆軍不渡，已著盟書，斯則大齊聖主之恩規，上黨英王之然諾，得原失信，終不爲也。惟遲相見，使在不賒，鄉國非遙，觸目號咽。

○又爲貞陽侯答王太尉書

周尚書弘正張廷尉種，姜常侍高等至，在此月二十六日告，并遣賢弟子世珍、賢子顯等具忠款之至，公養孤之恩，愛甚鄧侯，少子之懷，情深張禹，豈非憂勞社稷，用忍肌膚，天下含靈，誰無悲愧，余遭家不造，敬累吾賢，言念忠誠，益以號咽。但皇齊大德，過見憂矜，微借輕兵，以垂將送，意謂江東凋弊，累積寒暄，供膳資儲，理當多闕，輒白上黨王止，請三千人二百疋而已，凱衆人



殊尚有疑難將恐諸士未喻雅懷今復命周尚書及姜常侍還彼具陳一二夫以受爲寇非有晉邦不送爲譏終無楚國五千步卒旣謝李陵三千羸兵亦等無忌公之明義理不爲嫌行人失辭尙停然諾臨江總轡企望音郵惟遲來書此不多具

○爲貞陽侯與陳司空書

軒轅旣作遇蚩尤之兵顓頊爲君阻共工之亂雖復搖山蕩谷驅電乘雷厥兇渠會靡遺孽

未有時當至治世在欽明元惡滔天遂陷邦家者也我大梁開金繩之寶謀紐玉鏡之珍符功烈與造化相伴德施與風雲俱遠戴日戴斗何向不實太平之基無思無屆逆賊侯景殲亂本朝釁重聰彌凶逾羿浞後主天經地緯義冠人靈驅馭熊羆遂剪勅盜少康祀夏何可對揚太戊興殷彌無等級不圖天未悔禍喪亂薦臻羗賊憑陵侵蕩荆漢乘輿幽辱旣陷兇徒黎獻崩騰莫不淪沒故以哀窮兆庶痛極蒼旻者也夫



諸侯釋位。寧非亂禍之朝。宗子維城。本濟殷憂之日。武皇遺胄。皆陷虜庭。乞命偷生。何能支久。孤宗室之長。爰自布衣。辛癸之朝。容身靡託。追惟先業。大庇生民。既雪伯升之怨。仍紹桓王之霸。孤二三昆季。情禮獲申。等預藩枝。偏承皇德。近歲彭都之役。得備戎昭。鞍甲之勞。庶訓天寵。况復邦家不造。至此橫流。凶狡猶存。何所逃責。固以提戈負劔。卧泣行號。言念荆巫。志雪讐耻。大齊德竝天地。明符日月。隆禮詔俗。張樂被民。

義感華夷。仁侔造化。玉羊銀甕。嘉瑞必彰。澤馬山車。禎符總集。若夫中原猛士。本自無窮。沙塞精兵。斯何有量。是以家國之富。文景所未儔。兵馬之強。秦漢所未敵。但親鄰之道。既篤夙私。明發之懷。彌敦先好。以爲興亡繼絕。聖典通規。爰命無庸。嗣守社稷。既方憑大國。庶討仇讐。恩喻難違。諸懷慙哽。公體茲懋德。毗奉中興。歸自番禺。志在討亂。至於雲行電邁。谷靜山空。扼鵠尾而定。王畿登牛頭而掃天闕。漸臺僞帥。將傳首



於帝京。郿塢元兇。皆橫屍於軍市。高庸茂烈。振古希儔。承此欣然。深所嘉歎。今者殷憂未已。禍難相尋。宗社無依。奧主空立。夙承所眷。尚在冲年。王室猶難。何以康濟。董侯幼弱。終覆漢朝。馬業童蒙。仍傾晉室。所謂前事之不忘。後事之龜兆也。孤過荷恩靈。預奉帷幄。黃河白日。亟降誠言。分災卹患。事非虛旨。但當小國之禮。無失敬恭。闔境人民。俱勞寤寐。方窮人爵之重。以報非常之功。惠覽今書。希能留意也。上黨王文高劉

德武冠曹彰。爰降宗英。遠于將送。裴侍中英。起贊奉師德。俱事戎間。月壘連營。雲旗蔽野。同集江淮。翼我歸旆。湛海珍等。竝前朝舊將。夙著勲庸。江左氛妖。投身齊國。今者皆蒙恩獎。竝在戎行。歸附明公。共剪讎難。去月將晦。便留壽春。已具舟艦。將臨巢浦。若公爲內主。方同國子之勲。余以定家。得免臧孫之歎。豈不功名富貴。共保無疆。前望鄉關。惟增號哭。

○爲貞陽侯重與裴之橫書



張佛奴昨還得去月二十九日書覽以增慨昔桓公始反管仲親射其車重耳初還呂卻終焚其室頃家國多患頻遘閔凶前事不忘便爲龜兆所以皇齊大德禮秩兼常威武紛紜洪恩汪濊况復旌旗照日鼓吹從風文物俱華羽衛相鬱書契已來斯未有也卿天監之始門宦有成承聖之初身名俱泰正應勤王効命酬二后之恩憂國如家報三靈之寵何有方規異志苟樹童蒙阻地險於長川忘天討之應及孤昔忝藩維非無游士平原之館乃乏如錐田文之家差有彈鋏雖李廣麾下莫不封侯衛青故人多懷彼此豈可文辭簡畧禮等平交披封伸紙益多歎異相鼠無儀表詩人之作茅鴟刺傲彰魯史之文宿昔相期不應如此衆軍即便頓江關相見在近不復多及

爲貞陽侯與北齊荀昂兄弟書

張佛奴至未枉還告但以勞悒夫興亡繼絕往帝之通規分災恤患聖王之恒典自敦龐旣散



詐偽萌生時託親鄰信有澆慝大齊道冠三皇風高九代仁信之本關於至誠言與之恩由於孝德孤謬蒙殊獎還嗣本朝勅諭分明言誓殊重若使邦家克定境內無虞凡廣陵歷陽皆許見還白水黃河屢奉然諾彝章禮數莫不優華斯乃不世之殊恩寧是悠常之恆事王太尉勲踰呂望德冠伊衡凡厥英謀美靡遺策豈容當滔天之巨寇違大國之隆恩計彼賢明必當不爾卿維兄及弟莫非雄才江外風塵不染兇寇

賈氏三虎豈獨貴於前修荀家八龍信服在於今日近者州司不道或致流言朝聽矜明已如前及想謀元宰善保良圖南道主人以相付也見所答東海徐湛書粗具來意昔桓憑莒衆文用秦攻是假鄰國之威以備非常之變若使江東宰匠具領齊恩時命封疆遠相迎接故當携諸舊隸率我賓游朝服簪纓直拜園寢梁人望國自合水而浮舟齊師言歸指滄江而迴旆如其彼相未悟良機將恐戎麾遂踐京邑若其求



成取敗，豈謂和風龍馬雲旗，差不相涉。一一復令張佛奴口具相見在近，此不多及。

○在北齊與楊僕射書

陵叩頭叩頭。夫一言所感，凝暉照于魯陽。一志冥通，飛泉涌于疏勒。况復元首康哉，股肱良哉。隣國相聞，風教相期者也。天道窮剝，鍾亂本朝。情計馳惶，公私哽懼。而骸骨之請，徒淹歲寒。顛沛之祈，空盈卷軸。是所不圖也。非所仰望也。執事不聞之乎。昔分鼉命鴈之世，觀河拜洛之年。

則有日烏流災，風禽騁暴。天傾西北，地缺東南。盛旱坼三川，長波含五嶽。我大梁應金圖而有亢，纂玉鏡而猶屯。何則。聖人不能為時，斯固窮通之恒理也。至如荊州刺史湘東王機，神之本無寄，名言陶鑄之餘，猶為堯舜。雖復六代之舞，陳于總章。九州之歌，登于司樂。虞夔拊石，晉曠調鐘。未足頌此英聲，無以宣其盛德者也。若使郊禋楚翼，寧非祀夏之君。戡定艱難，便是匡周之霸。豈徒幽王徙雍，暮月為都。姚帝遷河，周年



成邑。方今越裳藐藐，馴雉北飛，肅脊茫茫，風牛南偃，吾君之子，含識知歸，而答旨云何所不投身斯其未喻一也。又晉熙等郡皆入貴朝，去我潯陽，經塗何幾，至於鎬鎬曉漏，的的宵烽，隔淑浦而相聞，臨高臺而可望，泉流寶盃，遙憶湓城，峰號香鑪，依然廬嶽。日者鄱陽嗣王，治兵匯派，屯戍淪波，朝夕牋書，春秋方物，吾無從以躡屩，彼何路而齊鑣，豈其然乎，斯不然矣。又近晉邵陵王通和此國，郢中上客，雲聚魏都，鄴下名卿，

風馳江浦，豈虛龍之徑，于彼新開，銅駝之街，于我長閉，何彼途甚易，非勞于五丁，我路爲難，如登于九折，地不私載，何其爽歟，而答旨云還路無從，斯所未喻二也。晉熙廬江，義陽安陸，皆云欵附，非復危邦，計彼中途，便當靜晏，自斯以北，桴鼓不鳴，自此以南，封疆未壹，如其境外，脫頌輕軀，幸非邊吏之羞，何在匹夫之命，又此段賓遊，通無貨殖，豈非韓起聘鄭，私買玉環，吳札過徐，躬要寶劍，由來宴錫，凡厥囊裝，行役淹留，皆



已虛罄散有限之微財，供無期之久客，斯可知矣。且據圖刎首，愚者不爲，運斧全身，庸流所鑒，何則？生輕一髮，自重千鈞，不以賈盜明矣。骨肉不任充鼎俎，皮毛不足入貨財，盜有道焉，吾無憂矣。又公家遣使，脫有資須，本朝非隆平之時，遊客豈皇華之勢，輕裝獨宿，非勞聚橐之儀，微騎間行，寧望輪軒之禮，歸人將從，私具驢騾，緣道亭郵，唯希蔬粟。若曰留之無煩於執事，遣之有費於官司，或以顛沛爲言，或云資裝可懼，固

非通論，皆是外篇，斯所未喻三也。又若以吾徒應還侯景，侯景兇逆，殲我國家，天下含靈，人懷憤厲，既不獲投身社稷，衛難乘輿，四冢磔蚩尤，十刃剗王莽，安所謂俛首頓膝，歸奉冠讐，佩弭腰鞬，爲其皂隸。日者通和，方敦曩睦，凶人狙詐，遂駭狼心，頗疑宋萬之誅，彌懼荀營之請，所以奔蹄勁角，專恣憑陵，凡我行人，偏膺讎憾，政復殖筋醢骨，抽舌探肝，於彼凶情，猶當未雪，海內之所知也。君侯之所具焉，又聞本朝王公都人



士女風行雨散，東播西流，京邑丘墟，蕞蓬蕭瑟，  
偃師還望，咸爲草萊，霸陵回首，俱沾霜露，此又  
君之所知也。彼以何義爭，免寇讎，我以何親，爭  
歸委質。昔鉅平貴將，懸重于陸公，叔向名流，深  
知于醜篋。吾雖不敏，常慕前修，不圖明庶，有懷  
翻其，以此量物。昔魏氏將亡，羣凶挺爭，諸賢戮  
力，想得其朋，爲葛榮之黨邪，爲邢杲之徒邪。如  
曰不然，斯所未喻四也。假使吾徒還爲凶黨，侯  
景生於趙代，家自幽恒，居則台司，行爲連率，山  
川形勢，軍國彝章，不勞請箸，爲籌便當，屈指能  
算，重以逋逃，小醜羊豕，同羣身寓，江臯家留，河  
朔春春，井井如鬼如神，其不然乎。抑又君之所  
知也。且夫官闈秘事，竝若雲霄，英俊訐謨，寧非  
帷幄，或陽驚以定策，或焚藁而奏書，朝廷之士，  
猶難參預，羈旅之人，何階耳目。至於禮樂，訟革  
刑政，寬猛則謳歌已遠，萬舞成風，不知手之舞  
之，足之蹈之也。安在搖其牙齒，爲間諜者哉。若  
請復命西朝，終奔東虜，雖齊梁有隔，尉候奚殊。



豈以河曲之難浮，而曰江關之可濟，河橋馬度，寧非宋典之姦，關路雞鳴，皆曰田文之客，何其逼蔽，乃爾相妨，斯所未喻五也。又兵交使在，雖著前經，儻同狗僕之尤，追肆寒山之怒，則凡諸元帥，竝釋縲囚，爰及偏裨，同無翦馘，乃至鍾儀見赦，朋笑遵途，襄老蒙歸，虞歌引路，吾等張旌拭玉，修好尋盟，涉泗之與，浮河，郊勞至於贈賄，公恩旣被，賓敬無違，今者何憊，翻蒙貶責，若以此爲言，斯所未喻六也。若曰祆氛未久，喪亂悠

然，哀我奔波，存其形魄，固已銘茲厚德，戴此洪恩，譬渤海而俱深，方嵩華而猶重，但山梁飲啄，非有意于籠樊，江海飛浮，本無情于鐘鼓，况吾等營魂已謝，餘息空留，悲默爲生，何能支久，是則雖蒙養護，更天天年，若以此爲言，斯所未喻七也。若云逆豎殲夷，當聽反命，高軒繼路，飛蓋相隨，未解其言，何能善諱，夫屯亨治亂，豈有意於前期，謝常侍今年五十有一，吾今年四十有四，介已知命，賓又杖鄉，計彼后生，肩隨而已，豈



銀臺之要，彼未從師，金竈之方，吾知其訣。政恐南陽菊水，竟不延齡，東海桑田，無由佇望。若以此爲言，斯所未喻八也。足下清襟勝託，書囿文林，凡自洪荒，終乎幽厲，如吾今日，寧有其人。爰至春秋，微宜商畧，夫宗姬殄陞，霸道昏凶，或執政之多門，或陪臣之涼德，故臧孫有禮，翻囚與國之賓，周伯無憊，空怒天王之使。遷箕卿于兩館，繫驥子於三年，斯匪貪亂之風邪，寧當今之高例也。至於雙嶠，且帝四海爭雄，或構趙而侵

燕，或連韓而謀魏，身求盟於楚殿，躬奪璧于秦庭，輸寶鼎以託齊王，馳安車而誘梁客。其外膏脣販舌，分路揚鑣，無罪無辜，如兄如弟，逮乎中陽受命，天下同規，巡省諸華，無聞幽辱，及三方之霸也。孫甘言以斌媚，曹屈詐以羈縻，於軫歲到於句吳，冠蓋年馳於庸蜀，則客嘲殊險，賓戲已深。共盡遊談，誰云猜忤，若使搜求故實，脫有前蹤，恐是叔世之姦謀，而非爲邦之勝畧也。抑又聞之，雲師火帝，澆淳乃異其風，龍躍麟驚，王



霸雖殊其道，莫不崇君親以詔物，敦敬養以治民。預有邦司，曾無隆替。吾奉遠溫清，仍屬亂離。寇虜猖狂，公私播越。蕭軒靡御，王舫誰持。瞻望鄉關，何心天地。自非生憑廩竹，源出空桑。行路含情，猶其相慰。常謂擇官而仕，非曰孝家。擇事而趨，非云忠國。况乎欽承有道，驟篤前王。郎吏明經，鳴鳶知禮。巡方省化，咸問高年。東序西膠，皆尊耆耄。吾以圭璋玉帛，通聘來朝。屬世道之屯期，鍾生民之否運。兼年累載，無申元直之祈。

後泣吞聲，長對公閭之怒。情禮之訴，將同逆鱗。忠孝之言，皆應辭舌。是所不圖也，非所仰望也。且天倫之愛，何得忘懷。妻子之情，誰能無累。夫以清河公主之貴，餘姚書佐之家，莫限高卑。皆被驅畧，自東南醜虜。抄販饑民，臺署郎官。俱餒墻壁。况吾生離死別，多歷暄寒。孀室嬰兒，何可言念。如得身還鄉土，躬自推求。猶冀提携，俱免凶害。夫四聰不達，華陽君所謂亂臣。百姓無冤。孫叔敖稱爲良相，足下高才重譽。叅贊經綸，非



豹非貌聞詩聞禮而中朝大議曾未矜論清禁  
嘉謀安能相及諤諤非周舍容容類胡廣何其  
無諍臣哉歲月如流半生何幾晨看旅雁心赴  
江淮昏望牽牛情馳揚越朝千悲而掩泣夜萬  
緒而回腸不自知其爲生不自知其爲死也足  
下素挺詞鋒兼長理窟匡丞相解頤之說樂令  
君清耳之談向所諮疑誰能曉諭若鄙言爲戮  
來旨必通分請灰釘甘從斧鑊何但規規默默  
齟舌低頭而已哉若一理存焉猶希矜眷何必  
期令我等必死齊都足趙魏之黃塵加幽并之  
片骨遂使東平拱樹長懷向漢之悲西洛孤墳  
恒表思鄉之夢于斯以屢哽慟增深徐陵叩頭  
再拜

○在北齊與宗室書

陵白臨淮負海是謂徐州顓頊高陽世有明德  
自興王啓霸無勞委劔之鋒開國承家實饗彤  
弓之賜其後金柯玉葉霞振雲從耆舊通人茂  
才多士或以天下之貴負石自沈王命之尊拂



衣高蹈。或熊衣雉製。青組朱旗。儒盛江東。文高河北。或復分齊。處魯移魏。居燕瓜陔。雖遙芳枝無遠。昔有王如王莽。無關控鵠之宗。劉曜劉淵。彌非偃龍之族。又有朱家別錄。邾子之苗。何氏殊源。韓侯之胤。三烏五鹿。時事無恒。東郭西門。遷訛非一。吾宗雖廣。未有駢枝。咸自駒王。同分才子。正以金衡委御。玉斗宵亡。胡賊憑陵。中原傾覆。我則供犧於東國。載主祔於南都。二百餘年。家于揚越。此則虛謔不去。裴寧仍留。高宦

其孝遲迴鄉壤。山河有隔。叙覲無緣。望冀馬而增勞。瞻賓鴻而未歎。昔竇公累世。光武稱其外家。許都遙遠。靈王思其舊宅。其言雖大。可以喻小。况在宗親。寧無停眷。比月應雩龍。星移殷鳥。天明和煦。體中何如。願百年之老典。居多福。萬石之君。寒暑清豫。其外族忠孝。比屋連薨。信義勇於干戈。詩書甘於酒醴。或有漁獵三史。紛綸五經。都講開鬢。詩生負帙。邦君佇德。寧無掛榻之思。州將欽風。應有題車之命。南陽坐嘯。寄以



共治東海行歌。資其主弼。梁竦不好。徒爲大言。鄧禹平生。惟望如此。若棲遲偃仰。因事丘中。桃果三名。粟園千樹。持竿而釣。徵聘不來。負耒而耕。公侯靡屈。何其高也。蓋復休哉。如脫推延。或遲竝問。吾階緣人乏。叨筮皇華。王事無淹。公禮將畢。旣而揚都蕩覆。方離獫狁之災。越界風塵。復蹈輜軒之禮。屏居空館。多歷歲時。疊犯靈祇。招延禍罰。號慕無窮。肝膽屠殞。煩冤胸臆。不自堪。無心奈何。無狀奈何。自徘徊河朔。亟積寒。

暄。風患彌留。半體枯廢。折臂爲公。雖非羊祜。跋足而使。無慙郤克。固以形如槁木。心若死灰。匍匐苦廬。纔有魂氣。夫迷山之客。遲遙響於巖崖。窮海之賓。望孤煙於洲嶼。况乃宗均魯衛。地匪燕吳。車騎相望。舟艫朝夕。三條不遠。五達非難。信乃闊然。遂不蒙問。昔桃花之峽。長避秦嬴。芝草之山。遙然滄海。猶復漁船可入。何況平途。不兼旬月。勞懷旣積。輒命行人。弦望之間。遲枉歸翰。儻二三兄弟。能敦昭穆之詩。求我漳濱。幸開



劉楨之疾、陽春改節、竝念將宜、扶力爲書、多不  
詮次、陵白

、、在北齊與梁太尉王僧辯書

太清六年六月五日、孤子徐陵頓首、昔者雲師  
火帝、非無戰陣之風、堯誓湯征、咸用干戈之道、  
至於搖山蕩海、驅電乘雷、殲厥兇渠、無虧皇極、  
若夏鍾夷羿、周厄犬戎、漢委珠囊、秦亡寶鏡、然  
則皆聞之矣、未有膺龍圖以建國、御鳳邸以承  
家、二后欽明、三靈交泰、而天崩地坼、妖寇橫行

者也、自古銅頭鐵額、與暴皇年、檣杵窮奇、流災  
中國、王彌石勒、吞噬關河、綠林青犢之羣、黑山  
白馬之衆、校彼兵荒、無聞前史、八王故事、曾未  
混淆、九州春秋、非云禍亂、我皇受命中興、光宅  
天下、泰寧瑣瑣、安敢執鞭、建武栖栖、何期扶轂、  
抑又聞之、陶唐旣作、天歸鳥喙之臣、豐畢將興、  
特挺鷹揚之佐、明公量苞金鉉、神表玉璜、儷袞  
欽才、平階佇德、固以畱連管樂、惆悵風雲、濡足  
維時、投竿斯在、去歲兇徒不騁、言次巴丘、鼓聲



聞一柱之臺。烽火照三休之殿。公則懸麾羽旆。猶對投壺。戎羯咸奔。鯨鯢俱剪。樓船萬軸。還繫昆明。胡馬千羣。皆輸長樂。於是乎夏首西浮。雲行電邁。彭波東匯。谷靜山空。扼鵠尾而據王畿。登牛頭而掃天闕。漸臺僞帥。仍傳首於帝京。郿塢元兇。咸剝腸於軍市。青羗赤狄。同昇豸狼。胡服夷言。咸爲京觀。公園陵盡拜。忠貫長沙。神主咸安。勲踰高密。重以秦宮。旣獲魯殿。猶存闕綠。草於應門。開青槐於武庫。長安五陵之族。鄆杜

六遷之民。襁負而歸。都壘斯滿。鬻脂藏脯。遊騎擊鍾。故市新城。飛甍華屋。東莞舊宅。人識桑榆。南頓荒田。家分禾黍。豈以鄉名。穀熟。邑號禾興而已哉。若夫卦起龍文。書因鳥跡。劬勞王室。大拯生民。自開闢以來。未之有也。雖十六才子。明允篤誠。八百諸侯。專心同德。中宗佐命。俱畫丹青。光武功臣。皆懸星象。棧道木閣。田單之奉。霸齊。縮重將兵。周勃之扶彊。漢壤蟲之比黃鵠。轍鮒之仰河宗。未足云也。孤子階綠。多幸叨筮。皇



華鄉國屯危。公私焦迫。邳彤之切。長亂心曾。徐  
庶之祈。終無開允。既而屏居空館。多歷歲時。釁  
犯幽祇。躬當勦滅。何圖釁咎。災極蒼旻。號慕煩  
冤。肝腸屠殞。酷痛奈何。無狀奈何。惟桑與梓。翻  
若天涯。杖柏栽松。悠然長絕。明明日月。號叫無  
聞。茫茫宇宙。容身何所。窮劇奈何。自忝膺嘉聘。  
仍屬亂離。上下年尊。偏嬰此酷。昔人迎門。請盜  
恒懷廢寢之憂。當輓輿櫬。猶有危途之懼。况乎  
逆寇崩騰。京師播越。與居動止。長隔山河。朝夕

僮僮。誰經心眼。程康不繼。原粟何資。瞻望風雲。  
朝夕嗚咽。固乃遊魂已謝。非復全生。餘息空留。  
非爲全死。同冰魚之不絕。似蜚蟲之猶蘇。良可  
哀也。良可哀也。自東都紹漢。南亳興殷。修好徵  
兵。彌留星瑄。韓宣范武。方駕連鑣。蘇秦張儀。朱  
輪華轂。而孤子三危。是擯四罪。同科聽別。馬而  
長號。杖歸旌而末慟。王稽反命。既無託乘之恩。  
椒舉相逢。誰爲班荆之位。昔人違齊處魯。時降  
徵求。亡晉奔秦。猶蒙招請。問管寧于遼左。追王



朗于浙東。竝物譽時賢。卿門公族。懸須應務。深挾情祈。斯豈庸賤之儔耶。非餘生之敢望也。但預在輪軒。誠爲過誤。珪璋特達。通聘河陽。貂珥雍容。尋盟漳水。差有黃門啓封。非無青紙詔書。羣將州司。郊迎負弩。鄉亭里候。飾館陳兵。豈是復介而奔齊。寧當竊妻而逃晉。已焉哉。羌難得其言也。漢之谷吉。捐軀者幾人。楚之申胥。埋魂者何極。孤子何所歎焉。但頓伏苦廬。徒延光啓。夫以啁噍鷲雀。躑躅鳴號。含識懷靈。未有其痛。

且大會耕雨雪。猶尚悲歌。蘇使幽囚。無馳哽噎。公履忠弘孝。冠冕縉紳。化感煙雲。量標海岳。行縻仲月。王政無塞。分穀高年。仁風斯遠。固以衣纓仰訓。黎庶投懷。今日憔悴。彌布洪澤。雖復孤骸不返。方爲漠北之塵。營魄知歸。終結江南之草。孤子徐陵頓首。

○與王吳郡僧智書

孤子徐陵頓首。昔林宗道主。時人多慕德之賓。無忌雄豪。天下盡希風之客。况復王家沈默。謝



氏混玄、名貴公門、譽華卿子、而秦峰阻蔓、浙水  
悠長、諮訴無因、但用窮結、比青萋已戒、白露方  
溥、體中何如、願聞康勝、鄧仲華服袞之年、荀令  
則擁旄之日、徒云早達、未可同功、今日相方、豈  
不高視、竊承富春、頃歲多難、薦臻、邑閭皆空、黔  
黎將盡、御史舊榻、零落不存、太傅齊室、荒茫無  
處、自神麾所屆、襁負斯歸、新屋方華、故田斯墜、  
府吏閑坐、長使誦經、督郵無事、惟慮吹笛、東苞  
海水、俱承幕府之威、西洎江沱、同仰惟良之化、

政差邊張、何其神也、孤子無心、覲冒苟卸、光陰  
風疾、彌留、示有餘息、恩將公聘、窮擯虜庭、博望  
侯極跡於黃河、核中監流滯於滄海、自斯以後、  
惟有庸賤、本應埋魂、趙魏析骨、幽并、豈意餘年、  
復反鄉國、仰屬伊公、在毫涓老師、周旌賁丘園、  
採拾衡巷、遂以哀駘、不棄甕盎、無遺、還顧庸虛、  
未應偕此、竊承君侯、過被以光輝、屢有吹噓之  
言、頻蒙薦延之澤、故得周行紫閣、升降丹墀、點  
汗清朝、豈不荒愧、雖復華陰砥柱、帶地窮深、嵩



高維岳極天爲重未可以方斯盛典譬此洪恩  
年迫桑榆豈期酬報政以川波非遠對奉無因  
夜夢子長之遊朝覽希道之疏浮雲西北徒懷  
魏帝之文行雨東南思假飛山之便窮誠已結  
荒係逾深方事祈寒願加珍納謹扶力白書迷  
乏不次孤子徐陵頓首

答李顥之書

近謬枉清音無申窮眷忽辱來告文製兼美君  
山西盛族素挺風流河北辭林本所嗟賞子桓

虛座寧不敬期伯喈倒屣固以相屬一日復其  
草土思襲衣裾披素清顏但覺形穢公輔之量  
不負高名王佐之才信表天骨孺子之榻雖其  
可懸仲康之車彌軫恒眷孤子昔緣素乏叨筵  
皇華今日形容無關天壤殘光炯炯慮在昏明  
餘息綿綿待盡鐘漏安可以樹揚名士游處盛  
賓來驗秦高如爲善謔文艷質寡何似上林華  
而不實將同桂樹但忘年之款昔有張裘鄰國  
之交非無嬰札儻哀駘可悅甕盎非疑方願投



衿庶比傾蓋，頃陳湯之疾。歲月增深，羊祜之痾。秋冬彌劇，且年光適盡，觸目崩心，扶力含毫，諸不申具，孤子徐陵頓首。

、爲陳武帝作相時與北齊廣陵城主書

籍甚英風，常懷眷屬，封疆有限，寤寐增勞，辱此月九日，告深慰情，佇方秋尚熱，體中何如，戎帳艱辛，無乃爲弊，吾以庸薄，謬膺台鉉，旣荷先帝拔擢之恩，兼蒙今主責成之寄，政以皇齊大德，世紹和風，方籍威靈，庶平讐耻，提携小國，願預

藩臣，還詔哀衿，許垂容納，奉勅須質，便遣入朝，部下諸將，哀吾誠節，一兒一弟，無所遺悵，立志立義，無負上天，但故丞相諸子及湛海珍等，竝依勅旨，馳遣渡江，主上又遣吏部尚書王通、鴻臚卿謝岐等至和州，與司馬行臺共爲盟誓，而蕭軌等決信叛亡，苟相陵易，鬱從東道，馳至北郊，旣通宮闈，無容靜默，兩兩相對，俱有損傷，彼聞人馬，因此奔散，且置兵之地，溝澗且多，還兵之時，投赴相積，近遣張都來此，具是行人所見。



但廣陵建業，纔隔一江，戰場去岸，不盈五里，軍人退散，理反家鄉，緣岸村人，復有舟楫，且蘆荻，荻筏，竟浦浮江，千百爲群，前後相繼，吾又勒兵按甲，不聽討捕，若無恐懼，竝應安遠，假使在此，不可更生，至彼而殂，差非吾過，如其枉理，必是興軍，見伐於有道之人，加兵於無罪之國，若彼王師如此，又是違盟，后土皇天，山川社稷，察其怨語，寧容相祐，辱告承上黨殿下及匹婁領軍，應來江右，師出無名，此是何義，小之事大，差無

違禮，彼之陵我，自是乖言，玄天所伐，匹馬無違，翻見怨尤，一何非理，若彼鬼神有知，寧可斯背，鬼神無知，何用盟歎，去歲抑達摩等石頭天井，連月亢陽，三子纔降，連冬大雪，黃袍盡沒，白帳皆浮，旣因之以泥塗，兼加之以疾疫，蕭裴旣退，雪霧便除，從爾以來，稍成災旱，定知衣冠之國，禮樂相承，天道不言，不容都滅，長江渺渺，巨浪湯湯，如鬪艦舟師，詎有深利，近梁山之戰，卽是前車，蕪湖之役，可爲明鏡，昔晉侯不能乘鄭馬。



趙將不能用楚兵。一非水土。難爲騁力。揚州卑濕。厥土塗泥。如遇秋霖。杳同江漢。假令蚩尤重出。白起還生。控代馬而陵波。躡胡靴而湔水。終難逞効。詎有成功。六州勇士。雖有百萬。十姓豪傑。徒勞千億。不能爲患。斷可知矣。昔我平世。天下又安。人不識於干戈。時無聞於桴鼓。故得兇人侯景。濟我橫江。天步中危。實由忘戰。自亂離已久。人解用兵。女子無愧於韓彭。童兒不殊於衛霍。吳鉤甚利。蜀甲殊輕。掣動風霜。弩穿金石。

高樓大艦。槩日凌雲。叱咤而起風雷。吹噓如倒山嶽。侯車騎國家重將。分陝上流。近隔以邊塵。時虧表疏。王途旣泰。貢賦相望。尋令子弟侍奉京邑。蕭太保龍驤於賁海。王儀同虎視於洞庭。若望高峰。便當投袂。何則。凡諸將帥。各護家鄉。非直吾人。獨憂宗社。日者頻辱司馬行臺。及諸公有告。裴行臺當今方邵。此諸賢莫非英傑。其餘軍士。悉是驍雄。庸蜀氏羌之兵。烏丸白虜之騎。以此衆戰。誰能禦之。何爲比吾。陪薄相懸。何



惡諸君身名俱滅來告以細柳之軍踰於灞上吾恐今之趙括不及廉頗也近張舍人至始奉嚴勅朝廷遣劉叔經仍往啓聞願達丹誠用停王赫伏計天慈理當懸照此身日月所鑒天地所明豈敢虛言欺妄宸極足下旣未知始末容有疑惟大軍多士希惠矜弘量非此失時騰表疏幸停師旅已存盟信庶其小國永申藩禮天心無爽邇遐一同投筆慷慨不復多白

爲陳武皇作相時與嶺南曾豪書

夫否終斯泰屯極則亨若日月之迴環猶陰陽之報復近者數鍾九厄王室中微聖主欽明還承寶運卽是高祖武皇帝之孫世祖元皇帝之子重光累聖胤國承家天下生民孰不歸德賊勃不涯疎戚希纂帝圖信是奸兇階茲禍亂自王宮再淪於醜逾虜馬四飲於江沱社稷阡危鑿與幽辱勃身居列岳自御疆兵高視趨起坐觀成敗旣而天維重綴國步還康翻畫凶圖更謀神鼎且其兵馬之任資於長昆方牧之權由



於承聖操兄戈而斬姪，藉國寵而弑君，不忠不義，莫斯爲甚。比春初，便遣大都督歐陽頔、瑋、主、傳、泰等兇徒數十，遂到臨川。吾奉承朝筭，指畫戎略，樊滕耿賈，戮力爭驅，天地靈祇，水陸開道，獲傳泰不勞於一箭，擒歐陽無待於尺兵。僞黨皆俘，連城盡拔，所收軍資，不可稱算。去月十六日，德州刺史陳法武等願憤迴戈，仍梟兇豎。一夫挺劍，傳首上京，萬里澄清，人神慶躍。彼豪門著姓，典牧方州，拘隔天朝，亟離寒暑，公私憤

歎，豈可爲懷。今王道平夷，理增懼怵，朱明戒節，比復何如。軍士平安，境內清謐，吾以庸薄叨乘國鈞，恒務牽纏，諸有勞弊，自天數云否。朝稱薦臻，東夏崩騰，西京蕩覆，身惟許國，任在勤王，宣力皇家，靡有寧歲。一還京師，保持鴻業，四驅夷狄，奪得江左，始則杜龕元惡，張彪不恭，據有秦稽，連蹤巨震，隨機討掩，觸向平夷，叛臣任約、徐嗣徽等，屢引齊虜，前年末旣踐京師，江畔邊城，皆爲戎戍，賴貔貅驍力，衛霍同心，殲厥胡夷，不



日清殄，去年將夏，傾國大來，鐵騎八千許匹，巾士二十餘萬，胡塵飛於北闕，虜鼓震於南宮，躬率偏裨，駢與挑戰，虜便土崩瓦解，投險赴坑，大小皆擒，鯨鯢盡戮，三江之上，塞水無流，千里之間，伏屍相枕，生獲大都督蕭軌、裴英，起東方老李希光、王敬寶等，虜中驍將，惟此數人，屢破關西之兵，頻取淮右之地，一朝俘斬，無復孑遺，遠邇敬欣，華夷怖懼，如聞彼虜，稍是危亡，尋命熊羆，欲就征討，方可以雷行趙魏，電掃幽并，混一

車書，勢在朝暮，而侯瑱跋扈江川，公私阻絕，卽平北賊，仍事南征，肉袒面縛，歸首闕庭，卽爲申聞，優其禮秩，臺儀不貶，位遇兼常，今所擒歐陽頎、傅泰等，莫不弘宥，政爾授其兵馬，處以榮祿，坦然游狎，無介懷抱，年號武平國，卽清晏君之闔，此寧不欣躍，但昔緣王事，游踐貴鄉，日想山川，依然舊識，吾旣忝荷朝私，位逾台衮，身持帝王之柄，手握天下之圖，故鄉如此，誠爲衣繡，故人，不見，還同宵錦，天涯藐藐，地角悠悠，言面無



由、但、以、情、企、今、者、王、猷、帝、載、化、被、無、垠、浮、海、窮、山、罔、不、咸、格、投、竿、負、鼎、馳、步、蒼、龍、崖、穴、丘、園、爭、趨、金、馬、君、之、才、具、信、美、登、朝、如、戀、本、鄉、不、能、游、宦、門、中、子、弟、望、遣、來、儀、當、爲、申、聞、各、處、榮、祿、深、加、將、保、念、嗣、音、郵、今、遣、某、甲、等、使、彼、指、此、不、多、  
、爲、陳、武、帝、與、周、宰、相、書

昔有天地、便立帝王、革昊惟農、遷虞斯夏、莫不三靈所祐、五運相推、梁德不造、固天攸棄、雖復東漢之末、區宇沸騰、西晉之亡、生民蕩覆、未足

以方其禍亂、譬彼虔劉者也、吾謬以庸薄、屬當興運、自昔登庸、清諸百越、徐聞浪泊、靡不征行、銀洞珠宮、所在清乂、自還麾南極、代逆東都、宣力驅馳、亟淹寒暑、六延梁社、十剪彊寇、黃帝與蚩尤七十戰、魏祖在軍中三十年、方厥劬勞、未爲勤苦、加以百神所感、明靈應期、萬里徂征、虬龍表瑞、於是中軍勇銳、上將橫行、承此休符、遂興王業、梁氏以天祿斯改、期運未終、欽若唐風、推其鼎命、吾驚惶三讓、拜手陳辭、盈廷公卿、稽



穎敦偏眷言穎水徒抱素心尙想汾陽無因高蹈猥以庸薄遂膺天寵去月乙亥昇禮大壇言念遷徊但有慙愧昔賓門之始境外無交雖遣行人未申嘉好今上天有命光膺寶曆永興周室方同斷金我運惟新宜脩朝聘今遣侍中都官尚書周弘正銜使長安故指有白

爲陳主與周冢宰宇文護論邊境事書

國有三慶民有四安所謂通和是由鄰睦况周陳欵好一紀于茲懷抱相期百世方遠灌瓜之

美久勅邊吏拾橡之尤想應無忽梁氏以漸水東爲安湘小郡宜立巴州多歷年所此於荆部本包分界近得刺史符元舉啓稱蕭巋忽遣杜元茂神僧訓等將率人馬踰潰涉澌便置城隍謀爲侵軼適荷隣德合州見還不容今春仍縱蕭氏元舉累移論及翻相河漢更往研問便騁鋒鏑彼軍人恃勇遂致俘擒聞此紛紜甚以驚歎其商奄餘孽才力甚微爲暴邊城良憑大國但情均忌器不可加兵便勅軍司以禮相放且



前歲所立疆城本以南平等五郡輸薦貴朝至如安湘既屬巴郡幸承鄰惠無候涉言故下漸東惟如澧北政是標其大桶屬荊州之界耳彼此方申分好義絕規圖所貴惟和所重惟信夫以南平等郡地曠民豐雲夢之田楚王爲寶吳當勁蜀晉拒疆秦資彼山川竝爲州鎮朕若棄其仁義務廣封域寧容延歲竝貢周朝今者和親已固山岳而方謀尺寸之土用益兼葭之地哉幸非竊疾相見鑒容江陵小寇既爾虔劉前至之言或相誣罔一二因使人宇文平口具其懷耿耿故此相白

爲陳主答周主論和親書

使人使持節車騎大將軍儀同三司大都督治司城使主杜子暉中軍山遂伯使副鮑宏等至省告具懷夫聖君明辟司御兆民則天象地佇育黔首故張旌以往拭玉而來同在蒼生恢宏文武雖毀戈鑄戟未擬上皇散馬休牛載懷偃伯非期與睦忽爽和風奚用殲師信由天討追



徐僕身集 卷全  
尋曩好歎想兼懷言覲今書甫承家難知以冢  
宰執政擅同淵藪令尹當朝妄專征伐無君之  
譴俾墜其師無將之誅已從司寇刑名既肅國  
步還康希篤親隣敬開衷款若二境交歡俱饗  
多福八荒期又良副所懷今遣具位某甲等使  
不復多述

在吏部尚書答諸求官人書

自古有吏部尚書者品藻人倫簡其才能等其  
門胄逐其少多量其官爵但古來數千年非無

明時也非無明主也自有才用雖美階級不通  
門戶雖高官資殊屈若斯人者其例甚多請問  
諸君此是何義夫一千錢一斛米之多少猶關  
相祿况復皇朝官爵理係玄天內典謂之爲業  
外書稱之爲命五行有驛馬之言六甲有官鬼  
之說必令驛馬時發官鬼尅身所望偕榮便當  
果遂如其不爾決是難諧豈可改尚書作官鬼  
驅老僕爲驛馬耶若見問尚書何不分判用與  
不用許與不許僕答云君非屈滯豈可相期決



言應果若今驛馬差爽便是乖信此關君命僕何以相答耶若朝散之流行止之屬門戶相似人才不殊選家斟酌無能爲爾若陟大位清官悉由玄命夫人君賓用竝是前緣故宋文帝云人豈無運命每有好官缺輒憶羊玄保梁武帝云世間人言有目色我特不目色范滂自此而論豈非前業且世諺云圖官在亂世覓富在荒年梁孝元帝承侯景之凶荒王太尉接荊州之禍敗爾時喪亂無復典章故使官方窮此紛雜

自紹泰太平及未定中聖朝草創爾時州州自帝郡郡稱王天下干戈尚無條序兼以府庫空虛賞賜懸乏白銀之寶難得黃紙之板易營假以官榮代於錢絹義在撫綏無計多少又有非舊非勲非地非才託節將而求官因時人以買位賣官旣賤皆爲清顯故員外常侍路上比肩諮議參軍市中無數四軍五校車載斗量豈是朝章應其如此今衣冠禮樂日富年華主上體成王之風太傅弘周公之德西羌北狄畏我王



威時旣清矣。時旣平矣。何可猶作亂世意。而覓非分之官耶。凡人所以稱屈滯者。身已不無寸能。官又不及父祖。旣是明時。可以於邑。所見諸君。多踰本分。猶言太屈。未喻高懷。若問梁朝朱領軍等。竝爲卿相。此不踰其本分耶。此天子所用。非關選序舊章。秦有車府令。趙高直爲丞相。漢有高廟令。田千秋亦爲丞相。此復可爲例耶。僕七十之歲。朝思夕計。竝願與諸賢爲真善知識。曾無嫌隙。差可周旋。非欲令君作此怨訴。但旣忝衡流。應須粉墨。庶其允當。無負朝寄耳。去年疾患。亦餘氣息。不能相答。通作此書。所望諸賢。深明鄙意。徐君白

同前

自古吏部尚書者。品藻人倫。簡其才能。尋其門胄。逐其大小。量其官爵。梁元帝承侯景之凶荒。王太尉接荊州之禍敗。爾時喪亂。無復典章。故使官方窮此紛襍。未定之時。聖朝草創。干戈未息。亦無條序。府庫空虛。賞賜懸乏。白銀難得。黃



札易營權以官階代於錢絹義存撫接無計多  
少致令員外常侍路上比肩諮議參軍市中無  
數豈是朝章應其如此今衣冠禮樂日富年華  
何可猶作舊意非理望也所見諸君多踰本分  
猶言大屈未喻高懷若問梁朝朱領軍昇亦爲  
卿相此不踰其本分邪此是天子所拔非關選  
序梁武帝云世間人言有目色我特不目色范  
曄宋文帝亦云人世豈無運命每有好官缺輒  
憶羊玄保此則清階顯職不由選也秦有車府  
令趙高直至丞相漢有高廟令田千秋亦爲丞  
相此復可爲例耶旣秦衡流應須粉墨所望諸  
賢深明鄙意

答周處士書

辱去年三月二十七日告仰披華翰甚慰翹結  
承歸來天目得肆閑居差有弄玉之俱仙非無  
孟光之同隱優游俯仰極素女之經文升降盈  
虛盡軒皇之圖藝雖復考槃在阿不爲獨宿詎  
勞金液唯飲玉泉比夫煮石紛紜終年不爛燒



丹辛苦至老方成。及其得道冥真。何勞逸之相懸也。又承有方生亦在天目。理當仰稟明師。總斯秘要。豈如張陵弟子。自墜高巖。孫泰門人。競投滄海。何其樂乎。聖朝虚心版築。尚想丘園。若彼能赴嘉招。便當謹申高命。但其人往歲亦望至京師。觀此風神。確乎難拔。故以忘懷爵祿。詎持犧牲之談。高視公卿。獨騁蠅蝮之訓。所恐有道三辟。公車十徵。若斯者。終當不屈。此旣然矣。請復詳言。昔楚國兩龔。同時紆組。漢陰二老。相

攜抱甕。兄之幽貞。若其鑿坯負石。方同形影。結綬彈冠。無容越楚。况乎糞土夔龍。羶臊名器。已所不欲。非應及人。忽承來音。良以多惑。何則。穎陽巢父。不曾令薦。許由。商洛園公。未聞求徵。綺季。斯所未喻。高懷而躊躇於矛楯也。唯遲山阿。近信。更惠芳音。如或誠言。謹便聞奏。第夙勞比劇。不復多呈。徐君白

與章司空昭達書

君白日聖朝受命。天下廓清。所餘殘兇。惟有歐



徐僕身集 卷全 三  
紇南通交管北據衡疑兄弟叔侄盤阻川洞百  
越之費不供王府萬里之民不由國家明公受  
賑嚴冬持兵杪歲開冰踐露蒞火宵行便屆舍  
淮乃其神速未騁三略非勞六奇薄交旗鼓仍  
平醜類自太清之末未定以來所闢疆界不過  
郡邑今茲赴捷二十餘州若較此功庸方茲英  
力漢之馬援不能爲擬吳之步騭故是相懸况  
孫處宗之叛徒正槌盪主耳公私慶快豈可而  
言且僕一子屯竄妖徒所制五嶺遐覓存亡不

測懸懷飲淚破膽復全蒙荷英恩保其身命餘  
年仰戴何力能勝今遣主師某馳往稱慶徐君  
呈

、重答朝臣書

老病屬纊不能多說古人爭議多成怨府傳玄  
見尤於晉代王商取陷於漢朝謹自三緘敬同  
高命若萬一不死猶得展言庶與群賢更申揚  
摧



薦陸瓊書

新安王文學陸瓊見識優敏文史足用進居郎  
署歲月過淹左西椽缺允膺茲選階次小踰其  
屈滯已積

○報尹義尚書

別離二國雲雨十年心想河陽言銅爵而無遠  
神游漳水與金鳳而俱蜚北使還辱去冬十月  
十一日告忽同言叙循環巧制欣慰良深河朔  
年芳雖當淹晚白溝澗澗春流已清紫陌依依



後傳身集 卷全  
長楊稍合。體中何如。豈無鄉思。弟三秦世胄。六  
輔良家。文武兼能。志懷開遠。谷永之筆。無慙古  
人。益延之功。高視前彥。而淹留趙魏。亟歷寒暄。  
企望鄉關。理多悲切。聖朝欽明。纂曆大拯生民。  
戮巨海之奔鯨。殲中原之封豕。晉君之說。長安  
遠於日邊。揚雄有言。交州在於天際。則輸暎王  
府。屈膝閭門。川洞酋豪。疆梁溟海。神兵一指。率  
土咸康。方當偃伯於靈臺。韜戈於武庫。變大風  
於五禮。驅蒸民於昌辰。物色英聲。搜揚俊傑。投

竿負鼎。馳步蒼龍。巖穴丘園。爭趨金馬。而弟  
河北義等。周邵懷此殊才。實可傷嗟。吾淹嵒旣  
暮。容鬢皤然。風氣彌留。砭藥無補。追惟疇昔。共  
備行人。室家安危。賓禮升降。懸壺代哭。俱歷春  
冬。移館於箕。同茲辛苦。鳴蜩抱樹。亟見藏冰。歸  
鴈銜蘆。多經寒食。靖言念此。如何可忘。握翫來  
書。彌其承臉。夫以擁腫之木。得免因於不才。穀  
鯨之牛。自保由其無用。以余鄙陋。未友龔生。惟  
歎吾賢。不同蘧瑗耳。若推溝拯溺。每切皇衷。逸



翮飄鱗見優機檻所以降尺一之書馳轡軒之使心期與國必遂還途寧謂親隣更成難請言尋雅告所及縲囚便訪鴻臚幸無淹使聞諸司寇或有邊俘前歲中流是維同惡燕禽望闕冀馬臨江裁頓雲羅自投天網京觀之塚宜彰武功周醜之門方申明罰而聖朝好生惡殺收雷寢電兵車所獲雖同長萬之來恩澤從容無異荀瑩之禮方之於弟況擬非倫伊昔梁朝共奉嘉聘張茲大帛處彼高閼庭奏歌鐘座延僑胙

賓客之叙方於阼階田獵之禽同於君膳正以鄉關阻亂致爾拘畱家國隆平義應旋反況復韓宣屢至宰孔頻還翻爾遲迴豈云隣睦弟遂鐘儀之操對此皇華高厚之詩一何非類關徐廉樂之況三戰七擒之言此日借予之矛攻子之室彼之使客猶尚不還此於齊都豪門貴戚周行匪例事義相懸豈與大弟同年而語吾本自凡流以復衰老稍近東岱不奢擊壤之年惟欣堯俗若耶之復長保安臥時思之

若耶至此關誤不



徐傳身集 卷八  
棄忝亞宗卿，非得侵官天。展但當今芄芄在詠，  
濟濟盈朝，才冠卿雲。智同荀郭，文辭富於江海。  
高論泊於雲霄，趨走丹墀之門。侍奉清規之內，  
弟來款言至，欲附所聞。聯類非宜，更其多惑。若  
使良有字闕二猶希贈鯉之書，郵驛方通。復行蜚  
鷁之信，執筆潛然，不知何向。

○○與李那書

籍甚清徽，常懷虛眷。山川緬邈，河渭像於經星。  
顧望風流，長安遠於朝日。青萋戒節，白露爲霜。

君子惟宜，福履多豫。雍容廊廟，獻納便繁。畱使  
催書駐馬，成檄車騎。將軍賓客盈座，丞相長史  
瞻對有勞。脫惠箋繒，慰其翹想。吾栖遲茂陵之  
下，臥病漳水之濱。迫以崦嵫，難爲砭藥。平生壯  
意，竊愛篇章。忽覲高文，載懷勞佇。此後殷儀同  
至止，王人授館。用阻班荆，常在公筵。敬析名作，  
獲殷公所借陪駕。終南入重陽閣詩，及荊州大  
乘寺宜陽石像碑四首，鏗鏘並奏。能驚趙鞅之  
魂，輝煥相華。時瞬安豐之眼，山澤晻靄。松竹參



差若見三峻之峰。依然四皓之廟。甘泉鹵簿盡。在清文扶風輦路。悉陳華簡。昔魏武虛帳。韓王故臺。自古文人皆爲詞賦。未有登茲舊閣。歎此幽宮。標句清新。發言哀斷。豈止悲聞帝瑟。泣望羊碑。一詠歌梁之言。便掩盈懷之淚。至如披文相質。意致縱橫。才壯風雲。義深淵海。方今二乘斯悟。同免化城。六道知歸。皆踰火宅。宜陽之作。特會幽衿。所覩黃絹之詞。彌懷白雲之頌。但恨耆閣遠嶽。檀特高峰。開士羅浮。康公懸澗。不獲銘茲雅頌。耀彼幽巖。循環省覽。用忘饑渴。握之不置。恆如越璧。翫之不足。同於玉枕。京師長者好。享才人爭造蓬門。請觀高製。軒車滿路。如看太學之碑。街巷相填。無異華陰之市。但豐城兩劍。尚不俱來。韓子雙環。必希皆見。莫以好龍無別木。鴈可啜。載望瓊瑤。因乏行李。金風已勁。玉質宜調。書不盡言。但聞爰繫。徐陵頓首。

與顧記室書

吾伏事天朝。本非舊隸。殿下殊恩。遠垂薦拔。故



常戰戰慄慄、甘心痛謹、庶其愚老、無負明據、近者既居臺轄、唯務奉公、去年正月十五日尚書官大朝、元凱既集、丞郎肅然、忽有陳慶之兒陳暄者、帽簪釘額、條布裹頭、虜袍通踝、胡靴至膝、直來郎座、遍相排抱、或坐或立、且歌且詠、吾卽呼舍吏責列、不答而走、反爲憾恚、妄相陷辱、至六月初、遂作盲書、便見誣謗、聖朝明鑒、悉知虛罔、唯云吾取徐樞爲臺郎、南司檢問、了不窮推、承訓、劾爲信言、致成隳免、此事冤枉、天下所無、

吾市徐樞宅爲錢四萬、任人市估、文券歷然、不蒙申理、見枉虛巧、二者樞是故少府卿鱗之子、鱗殞身侯景之役、又爲西臺所贈、兖州左衛官位甚高、未知其子何忝郎署、魏晉之前、如爲久遠、宋齊以降、其例甚多、如徐愛、阮佃夫之子、可不得郎官耶、紀文卿公向璉、皆爲列棘、豈冗雜曹郎乎、三者樞入身梁朝、解褐岳陽王小府墨曹、承聖時爲故敬帝晉安王諷席、文墨具存、陝西官爵、乃多浮濫、更補臺郎、不爲勝擢、未知何



忽推宅貨官、四者徐領軍節度、自啓樞爲郎勅、付選序、吾旣不啓據、又不爲選職、所可相關、止是得中侯相聞、爲呈啓而已、以此見罪、一何寃濫、吾昔在承華、是第所悉、行年六十、無復儕儔、非意餘生、忽此誣謗、堯有驚於讒說、孔將惑於拾塵、雖復聖主機明、不能悉照、殿下德高兩獻、風美二南、億兆歸心、衣冠有托、久願通啓、披訴聖明、伏見軍戎多務、所以不敢祈冒、弟與吾遊眷、亟迴星紀、故人如此、寧不矜歎、耶侍言有便

云何、且爲啓聞、一蒙神鑒、照其枉直、方歿幽泉、無恨灰壤、伏覲謁帝承明、緒言多次、服矜遺老、曲賜湔濯、則殿下前時妄澤、匪復偏私、遂吳良延薦之恩、無王丹所舉之謬、吾得方辭武騎、永附梁賓、雖媿家丞、庶呈秋實、緣弟深眷、故此敬憑、干謁非宜、益懷悚慨、徐陵白

、答族人梁東海太守長孺書

其人梁末入北齊

恩報近歲、奉使來歸、辱彼河清、年中告行、并惠以明鏡、亟離寒暑、雖復時陳梁鶴、日照孫鸞、言



慰相思。反增離眷。劉傅三常侍還。又承書札。銀鈎甚麗。玉疏依然。開封伸紙。破愁爲笑。素秋方屆。溽暑稍闌。體中何如。善保元吉。藜臺之璧。少海之珠。何必鄉里。所在爲貴。卿託身大國。旣已積年。彼朝英彥。理相欽挹。方當交辟三命。清宦兩官。何乃闕然。遲有問也。吾七十之歲。崦嵫已迫。朽老之疾。隨年而甚。徒懷北邙之切。未遂東都之期。牽役承閒。但有衰頓。賢從君政。佐佑興基。中舍謔殿中。並休宜自別。有書問來告。訪吾

文章。吾自歸來鄉國。亟徙炎涼。牽課疲朽。不無辭製。而應物隨時。未曾編錄。旣承今告。輒復搜檢。行人相繼。別簡知音。但旣乏新聲。全同古樂。正恐多慙於協律。致睡於文侯耳。燕南趙北。地角天涯。言接未由。但以潛歛善。敬德中郎。並比境之良選。皇華之上求。若可輶軒。別當委白。君問。

、、諫仁山溪法師罷道書

竊聞出家閒曠。猶若虛空。在俗籠樊。比於牢獄。



非但經有明文、亦自世間共見、譬聞法師覆彼舟航、趣返緇衣之務、此爲目下之英奇、非久長之深計、何以知然、從苦入樂、未知樂中之樂、從樂入苦、方知苦中之苦、弟子素與法師、雖無曩舊、相知已來、亦復不疎、夫良藥必自無甘、忠諫者決乎逆耳、倚見其僻、是以不忍不言、且三十年中、造莫大之業、如何一旦、拾已成之功、深爲可惜、敬度高懷、未解深意、將非帷帳之策、欲集劉侯形類、臥龍擬求、葛氏黃石兵法、寧可再逢、

三併茅廬、無由兩遇、封爵五等、惟見不逢、中閤外門、難朱易白、鳴笳鳳管、非有或聞、儻女歌姬、空勞反翫、覓之者等若牛毛、得之者譬猶牛角、以此之外、何所窺窬、法師今若退轉、未必有一稱心、交失現前十種大利、何者、佛法不簡細流、入者則尊、歸依則貴、上不朝天子、下不讓諸侯、獨翫世間、無爲自在、其利一也、身無執作之勞、口餐香積之飯、心不妻妾之務、身飾芻摩之衣、朝無踐境之憂、夕不千里之苦、俯仰優游、寧不



樂哉其利二也。躬無任重，居必方域，白壁朱門，理然致敬，夜琴晝瑟，是自娛懷，曉筆暮詩，論情頓足，其利三也。假使棘生王路，橋化長溝，巷吏門兒，何因仰喚，寸絹不輸，官庫升米不進，公倉庫部倉司，豈須求及其利四也。門前擾擾，我且安眠，巷裏云云，余無驚色，家休小大之調，門停強弱之丁，入出隨心，往還自在，其利五也。出家無當之僧，猶勝在俗之士。假使心存殺戮，手無斷命之愆，密裏通情，決勝灼然，矯俗如斯，煩垢

萬倍勝於白衣。一入愛河，永沈無出，其利六也。聽鐘聲而致敬，尋香馥以生心，朝覩尊儀，暮披寶軸，刹那之善，逐此而生，水滴微功，漸盈大器，未知因緣果報，善惡皎然，就此而言，其利難陳矣。假使達相白衣，猶有埃塵之務，縱令遙寄彈指，遠近低頭，形去心留，身移意往，閒有者得如此，貧苦者永無因，近在目前，不言可見，其利七也。山間樹下，故自難期，枕石漱流，實爲希有，猶斯之類，不可思議，如此者，難逢一心人，稀遇法



後集身集 卷全  
師未能不學、交習聽勝之因、一旦退心於理、邀  
矣、其利八也、開織成之帙、見過去之因、摘琉璃  
之卷、驗當來之果、識因識果、不以爲愆、知福知  
報、何由作罪、上無舟楫、交見沒溺之悲、下失浮  
囊、則有沈身之患、其利九也、曠濟羣品、爲天人  
之師、水陸空行、皆所尊貴、言必闍黎和尚、書輒  
致敬和尚、遠近嗟咏、貴賤顛仰、法師今必退轉  
立成可驗、纔脫袈裟、逢人輒稱汝我、始解偏袒  
姓名、便亦可呼、平交者故、自不論下劣者、亦恐

不讓薄言、稱已榻席、懸異從來、小得自在、便以  
君爲題封、若不屈膝、歛手、自達無因、俯仰承迎、  
未闕合度、如此專專、何由可與、其利十也、略言  
十事、空失此機、其間溪道、寧容具述、仰度仁者、  
心居魔境、爲魔所迷、意附邪途、受邪易性、假使  
眉如細柳、何足關懷、頰似紅桃、詎能長久、同衾  
分枕、猶有長信之悲、坐臥忘時、不免秋胡之怨、  
洛川神女、尚復不惑東阿、上班姬、何關君事、  
夫心者面焉、若論繾綣、則共氣共心、一遇纏綿、



則連宵厭起。法師未通返。照安悟賣花。未得他心。那知彼意。嗚呼桂樹。遂爲豆火所焚。可惜明珠。乃受淤泥埋沒。弟子今日橫路。必爲法師所哂。世上白衣。何訾何限。且一人邊道。而不安危。推此而言。實成難解。譬如瓦礫盈路。人所不驚。片子黃金。萬夫息步。正言法師入道之功。已備染俗之法。未加。何異金搏赤銅。銀換鉛錫。可悲可惜。猶可優量。能忍難忍。方知其最。願棄俗事。務息塵勞。正念相應。行志兩全。薄加詳慮。更可

思惟悔之在前。無勞後恨。如弟子算遠。卽十數年中。決知惻惻。近卽三五歲內。空唱如何。萬恨萬悲。寧知遠及。自誤自錯。永棄一生。乃知斷絃可續。情去難留。或若火裏生花。可稱希有。迷人知返。去道不遙。幸速推排。急登正路。法師非是無智。遂爲愚者所迷。類似阿難。更爲魔之所嬈。猶須承三寶之力。制彼羣凶。豎般若之幢。天魔自款。若此言旨。當卽便冀棄芻蕘。若不會高懷。幸停深怪耳。



與智顓書

陵和南昨預沈儀同法席餐奉甘露無畏之吼衆咸歸伏然正法炬朗諸未悟自慶餘年得逢妙說尋事諮展此不申心謹和南

又

陵和南注仰之心難可敷具拔公至蒙三月二十日旨用慰積歲傾心麥泠體中何如願一日康勝山中春夏無餘障惱耳遲復存旨弟子二三年來溘然老至眼耳聾闇心氣昏塞故非復

在人兼去歲第六兒夭喪痛苦成疾由未除愈適今月中又有哀故頻歲如此窮慮轉深自念餘生無復能幾無由禮接係仰何言敬重瓌公今還白書不次弟子徐陵和南

又

陵和南放生星聞公家極相隨喜事是拔公口具謹不多諮惟遲拔公廷出數百里水全其命根如此功德算數無盡隨喜無量此不委諮弟子徐陵和南



五願上智者禪師書

陵和南弟子思出樊籠無由羽化既善根微弱冀願力莊嚴一願臨終正念成就二願不更地獄三途三願卽還人中不高不下處託生四願童真出家如法奉戒五願不墮流俗之僧憑此誓心以策西暮今書丹款仰乞證明陵和南

序

○玉臺新詠序

凌雲槩日由余之所未窺千門萬戶張衡之所曾賦周王璧臺之上漢帝金屋之中玉樹以珊瑚作枝珠簾以玳瑁爲柙其中有麗人焉其人亦五陵豪族克選掖庭四姓良家馳名永巷亦有潁川新市河澗觀津本號嬌娥曾名巧笑楚王宮內無不推其細腰魏國佳人俱言訝其纖手閩詩敦禮非直東隣之自媒婉約風流無異



西○施○之○被○教○弟○兄○協○律○自○小○學○歌○少○長○河○陽○由○  
來○能○舞○琵琶○新○曲○無○待○石○崇○筌○篲○雜○引○非○因○曹○  
植○傳○鼓○瑟○於○楊○家○得○吹○簫○於○秦○女○至○若○寵○聞○長○  
樂○陳○后○知○而○不○平○畫○出○天○仙○闕○氏○覽○而○遙○妬○且○  
如○東○隣○巧○笑○來○侍○寢○於○更○衣○西○子○微○顰○將○橫○陳○  
於○甲○帳○陪○游○馭○娑○騁○纖○腰○於○結○風○長○樂○鴛○鴦○奏○  
新○聲○於○度○曲○粧○鳴○蟬○之○薄○鬢○照○墮○馬○之○垂○鬟○反○  
插○金○鈿○橫○抽○寶○樹○南○都○石○黛○最○發○雙○蛾○北○地○燕○  
脂○偏○開○兩○靨○亦○有○嶺○上○仙○童○分○丸○魏○帝○腰○中○寶○

鳳○授○曆○軒○轅○金○星○與○婺○女○爭○華○麝○月○共○嫦娥○競○  
爽○驚○鸞○冶○袖○時○飄○韓○掾○之○香○飛○燕○長○裾○宜○結○陳○  
王○之○佩○雖○非○圖○畫○入○甘○泉○而○不○分○言○異○神○仙○戲○  
陽○臺○而○無○別○真○可○謂○傾○國○傾○城○無○對○無○雙○者○也○  
加○以○天○精○開○朗○逸○思○彫○華○妙○解○文○章○尤○工○詩○賦○  
琉○璃○硯○匣○終○日○隨○身○翡○翠○筆○牀○無○時○離○手○清○文○  
滿○篋○非○惟○芍○藥○之○花○新○製○連○篇○寧○止○蒲○萄○之○樹○  
九○日○登○高○時○有○緣○情○之○作○萬○年○公○主○非○無○累○德○  
之○辭○其○佳○麗○也○如○彼○其○才○情○也○如○此○既○而○椒○房○



宛轉。柘館陰岑。絳鶴晨嚴。銅蠡晝靜。三星未夕。  
不事懷衾。五日猶餘。誰能理曲。優游少託。寂寞  
多閑。厭長樂之疎鐘。勞中宮之緩箭。輕身無力。  
怯南陽之擣衣。生長深宮。笑扶風之織錦。雖復  
投壺玉女。爲歡盡於百驍。爭博齊姬。心賞窮於  
六著。無怡神於暇景。惟屬意於新詩。可得代彼  
萱蘇。微蠲愁疾。但往世名篇。當今巧製。分諸麟  
閣。散在鴻都。不籍篇章。無由披覽。於是燃脂暝  
寫。弄墨晨書。撰錄艷歌。凡爲十卷。曾無參於雅

頌。亦靡濫於風人。涇渭之間。若斯而已。於是麗  
以金箱。裝之寶軸。三臺妙迹。龍伸蠖屈之書。五  
色花牋。河北膠東之紙。高樓紅粉。仍定魯魚之  
文。辟惡生香。聊防羽陵之蠹。雲飛六甲。高擅玉  
函。鴻烈仙方。長推丹枕。至如青牛帳裏。餘曲旣  
終。朱鳥牕前。新粧已竟。方當開茲縹帙。散此緡  
繩。永對玩於書帷。長循環於織手。豈如鄧學春  
秋。儒者之功。難習竇傳黃老。金丹之術。不成固  
勝。西蜀豪家。託情窮於魯殿。東臺甲館。流詠止



行傳身集 卷全  
於洞蕭。變彼諸姬。聊同棄日。猗與彤管。麗矣香奩。

碑

司空徐州刺史候安都德政碑

巖巖天柱，大矣周山之峰。極極地軸，壯哉崑崙之阜。三光懸而不墜，九土鎮以無疆。承乾合德之君，則天體元之后，所以並咨四鎮，咸建五臣。業配蒼祇，功成寓縣。至於流名雅頌，著美風詩。年代悠然，寂寥無紀。其能繼茲歌詠者，司空侯使君乎。自文昭武穆，祚土開家。濮水盛其衣簪，滎波分其緒。秩仁義之道，夷門美於大梁。儒雅



之風司徒重於強漢。自通人許劭託命於江湖。高士袁忠寄身於交越。俱違建安之難。獨處衡山之陽。祖天資秀傑。世載雄豪。卓富擬於公侯。班倂必於旌鼓。父光祿大夫。邑里開通德之門。州鄉無抗禮之客。自茫茫禹迹。赫赫宗周。家滅驪戎。國亡夷羿。我高祖武皇帝。迎河圖於浪泊。括地象於炎洲。南興涿鹿之師。北問共工之罪。天生宰輔。堯年致白虎之祥。神賜英賢。殷帝感蒼龍之傑。公亦觀時佇聖。嘯咤風雲。跪開黃石。

之書高詠玄池之野。沉吟梁甫。自比管仲之才。惆悵莘郊。久負伊生之歎。自羯虜侵華。羣蠻縱軼。後臯桂部之地。四戰五達之郊。郡境賢豪。將謀禦難。長者僉論。推公主盟。義士雄民。星羅霧集。公旣膺五聘。方啓六韜。率是驍徒。仍開嶺嶠。自大討瀟湘。同茲樊鄴。下軍違命。上策不宣。敗我王師。受拘勅盜。大陳格於文祖。咸秩具神。率土依風。羣靈稟朔。公亦忠爲令德。天纂之謀。吳帳斯開。衛門無擁。雖復季孫還魯。隨武濟河。國



慶民歡相儔匪若。卽授使持節開府儀同三司丹陽尹。昔光武不尤於馮異。穆公深禮於孟明。終報王官之師。遂舉咸陽之地。斯乃聖主之宏略。而名臣之遠圖者焉。皇帝以陶唐啓國。致玉版於河宗。顯頊承家。佐金天於江水。經綸草昧。定鼎之業居多。締構權輿。斷鼉之功相半。固以英聲馳於海外。信義感於寰中。主器攸歸。當璧斯在。公於是抗表長信。清宮未央。從億兆以同心。引公卿而定策。馳輕軒於軫轡。奉侍駕於中

都。七廟之基。於焉永固。萬邦之本。由此克寧。乃復進司空公南徐州刺史。於是鎮之以清靜。安之以惠和。望杏敦耕。瞻蒲勸穡。室歌千耦。家喜萬鍾。陌上成陰。桑中可詠。春鷓始嘯。必具籠筐。秋蟀載吟。競鳴機杼。或肅拜靈祀。躬瞻舞雩。去駕擁於風塵。還旌阻於飄沐。京坻歲積。非勞楚堰之泉。倉廩年豐。無用秦渠之水。雖復東過小縣。夏雨逐其輕輪。南渡滄江。秋濤弭其張蓋。固不得同年而語矣。若夫聽採民訟。昏曉必通。召



引軒櫺躬親辨決立受符於前案無畱詣於後曹接務高城之中非異甘棠之下欣欣美俗濟濟都塵以賈琮郭賀之風行建武永平之化於是州民散騎常侍王瑒等拜表宮闕請揚茲美化樹彼高碑民欲天從允影綵誥銘曰

鬱鬱三象茫茫九州綿天滲沲浹地虔劉赫矣高祖爰清國讐允敷佐命力牧風侯亦卽旋歸拜家有暉宮亭蠡浦舊翹高飛電巷勅寇風行國威文身彼髮作貢來緩我皇纂武攀號東序諷渭同周迎門惟呂流矢爲暴攬捨斯舉喋喋蒼黎危危刀俎自我徂征妖氛克平爰驅犬豕寶剪長鯨北震巢浦南俘灌城青羗卷介赤狄迴兵蹈舞難踰歌謠靡宣曰我黎庶俱祈上玄山移兩越海變三田公爲上相復倍斯年

廣州刺史歐陽顏德政碑

弱水導其洪源軒臺表其增殖懿哉少府師儲皇於二京盛矣司徒傳儒宗於九世廣陵邕邕族擅江右渤海赫赫名重洛陽若夫岳鎮龍蟠



星懸鶉大衡山誕其高德湘水降其清輝千仞  
孤標萬頃無度年當小學志冠成童因孝爲心  
欲仁成體屯騎府君早棄榮祿易簣之日幾將  
毀終不校之言深非通制遺貲巨萬富擬猗頓  
裁變槐榆並賑宗戚南茨大麓北眺清湘得性  
於橘洲之間披書於杏壇之上三冬文史五經  
縱橫頻致嘉招確乎難拔旣而帝啓黃樞神亡  
赤伏天地崩賁川冢沸騰羣悍酋豪更爲禍亂  
朝披羽檄夜炤燿烽浴鐵蔽於山原縱金駭於

樓堞公疲兵屢出獨據胡牀勅賊重圍尚凭書  
几揚灰旣散駕棒將揮咸剋凶梁以保衡服常  
以二主蒙塵三光掩曜出入逾於嘗膽殷憂獨  
其撫心不治第宅溪符去病志梟羣醜彌同越  
石自禹珪旣錫堯玉已傳物變謳謠風移笙管  
商周之際孤竹尚其哀歌曹劉之間蘇子猶其  
狂哭况番禺連帥寔謂宗枝迷我天機自窺梁  
鼎以公威名本重逼統前軍乾數難違剝象終  
悔高祖永言惟舊彌念奇功卽訓皇家深弘朝



紀。檻車才至。輿觀已焚。祝史祆於夷。吾壇場延於井伯。綢繆安樂。造次訐謀。爰珥豐貂。允光金螭。但入桂之上。蠻夷不賓。九疑之陽。兵凶歲積。以公昔在衡臯。深畱夙愛。仁恩可以懷猛獸。威名可以懼啼兒。乃授持節散騎常侍衡州刺史。我皇帝從唐侯以胤國。屈啓筮而登家。一恭寶祚。開定江沔。三改璇衡。苞羅湘峽。昔中宗屈申於處仲。高祖遺恨於平城。漢武承基。方通沙塞。晉明紹運。裁平姑孰。方其盛業。綽有光前。踐祚

之初。進公位征南將軍廣州刺史。又都督東衡州二十州諸軍事。宜公乃務是民天。敦其分地。火耕水耨。彌亘原野。賊盜皆偃。工賈競臻。鬻米商鹽。盈衢滿肆。新垣旣築。外戶無扃。脂脯豪家。鐘鼎爲樂。揚祛洒汗。振雨流風。市有千金之租。田多萬箱之詠。僧釋慧羨等來朝絳闕。備啓丹誠。乞於大路康莊。式刊豐琰。庶樊卿寶鼎。復述台司之功。羊叟高碑。更紀征南之德。於是跪開黃素。爰登紫泥。鑒此誠祈。皆如所奏。乃詔庸臣



爲其銘曰

赫赫宗陳，桓桓鼎臣。千乘建學，五典攸因。盛德斯遠，公門日新。崇高惟岳，貺甫生申。去衡移廣，遷征自鎮。攸攸銅界，藐藐金鄰。莫遠非督，無思不賓。三江靡浪，五嶺奚塵。式歌式舞，仁哉至仁。公其饗福，於萬斯春。

晉陵太守王勵德政碑

若夫睢陵世傳，已祥載德之華。徐州先賢，亦著清風之美。偉哉文獻，光啓中興。郭莖表其深源。

何籌慙其遠慶，豈惟桓氏之鳴玉。張家之珥貂，袁姓之朱衣。揚宗之華轂，又有攸飛遮列。班弓夾門，濯龍俯望。緹騎盈道，奕世如此。何其盛哉。君以藍田美玉，大海明珠。灼灼美其聲芳，英英照其符彩。丰神雅淡，識量寬和。既有崔琰之鬚，眉非無鄭玄之腰帶。爛爛如高巖下電，騷騷若長松裏風。勢利無擾於胸襟，行藏不槩於懷抱。家門雍睦，孝友爲風。上友不諂，下交不瀆。脫貂救厄，情靡矜吝。釋馬窮途，唯濟危殆。至於網羅



圖籍脂粉藝文學侶挹其精微詞宗稱其妙絕  
出爲仁武將軍晉陵太守五雞三彘勤卹有方  
問羊知馬鉤鉅兼設濟北移樹累政之所未治  
汝南爭水連年之所無斷一朝明決曾不畱滯  
四民商販咸用殷阜銘曰

康哉寶運美矣良臣渭自灋水源於洛濱公侯  
世及宰輔相因曰我民秀山川降神風情穆穆  
孝友恂恂學則經笥文爲世珍高風遠矣曠代  
難倫鼎鉉虛職台階未臻安知霜霰遠天松椿  
碣石斯表民情旣陳徒然下拜何報陽春

、丹陽上庸路碑

在天成象成地屬於五潢在地成形滄海環於  
四瀆國險者固其金湯儲蓄者因於轉漕貨財  
爲禮專俟會通厥田爲上皆資滲漉大矣哉坎  
德之爲用也是以握圖之主財以利民御斗之  
君因之顯教上哉少昊初命水官逃矣高陽爰  
重冥職舜爲太尉於是九澤載疏禹作司空然  
後百川咸導開華山於高掌鑿靈沼於周源莫



待僕身身  
匪神功，皆由聖德。我大梁之受天明命，勞已濟民，有道稱皇，無爲曰帝。若夫雲雷草創，剪商黜夏之勲；鑄寶鼎於昆吾，安能紀勒；陳鴻鐘於豐岳，豈易揄揚。斯固名言之所絕也。及乎膺斯寶運，犬拯橫流，屈至道於汾陽，勞凝神於藐射。聖人作樂，簫韶備以九成，詰王盡禮，春官總於三代。豈止金門桴竹，玉尺調鐘。公帶獻明堂之圖，匡衡建后土之議。若斯而已乎。天降丹鳥，旣序孝經。河出應龍，乃私周易。若夫固天將聖，垂意

藝文，五色相宣，八音繁會，不移漏刻，纔命口占。御紙風飛，天章海溢，皆紫庭黃竹之詞，晨露卿雲之藻。漢之兩帝，徒有詠歌；魏之三祖，空云詩賦。以爲彭老之教，終沒愛河；儒墨之宗，方難火宅。豈如五詩八會之殊文，天上人中之妙典。雪山羅漢，爭造論門；鷲嶺名僧，俱傳經藏。香象之力，持所未勝；秋兔之毫，書而莫盡。忠信爲寶，禳祈免於白駒；明德惟馨，山川舍於駢犢。至如月離金虎，涅槃石牛。蒼蔚朝興，滂沱晚注。而清蹕



纔動。織羅不搖。高閉將臨。油雲自闕。陽烏馭日。寧懼武賁之弓。飛雨彌天。無待期門之蓋。震維舉德。非曰尚年。若發居艷。猶莊在漢。濤如白馬。旣礙廣陵之江。山曰金牛。孰辨梅湖之路。專州典郡。青鳧赤馬之舡。皇子天孫。鳴鳳飛龍之乘。莫不欣斯利涉。玩此脩渠。乍擗節而長歌。乃縱金而鳴籟。斯實曠世之奇功。無疆之鴻烈者也。銘曰

后王降德。於衆兆民。高文象緯。妙義幾神。業冠遷夏。功踰八秦。時惟大畜。象及同人。慧雨方霑。禪枝獨春。帝德惟厚。皇恩甚深。觀乎禹迹。見我堯心。

孝義寺碑

臣聞道階八地。猶見后妃。願生千佛。無匪賢聖。汲引之義。雖同。隨幾之感。非一。至如媯汭有禮。皇源所以前興。周女斯歸。陳宗所以流慶。大矣神基。帝系淑聖。重光者也。慈訓太后。德佐初九。道暉上六。居天上。天中之極。處太任太姒之尊。



行傳身集 卷全 一  
蘋藻之化斯深，葛覃之風彌遠。皇帝膺茲上聖，契彼援神。受敬在乎一人，德教刑乎四海。是以明星皎皎，流半月之光。甘露團團，灑如飴之味。嘉禾自秀，浪井恆清。天降徵祥，日聞書府。自大明紹運，神武應期。至道旁通，無思不格。戊巳校尉，西關玉門。伏波將軍，南表銅柱。方使三千世界，百億須彌。同望飛輪，共稟玄德。元嘉三年正月二十一日，詔旨仰惟聖德，方被兆民。乃勅有司，改東成里爲孝義里。昔岱山徙號，重華著其受終。德水移名，秦人表其嘉運。豈若盡在輿地，書茲里門。仰述天經，光臨父母。臣陵稽首，乃作銘曰：

願此良因，宜資貴親。三乘竝策，四梵爲賓。紺殿安坐，蓮花養神。燈前禮佛，地後邊身。竝濟含識，咸歸至真。國家隆盛，同享遐慶。謹勒豐碑，陳其舞詠。

齊國宋司徒寺碑

無色之外，方爲化城。非想之中，猶稱火宅。若夫



衆生無盡，世界無窮，芬若披蓮，遠如散墨，善才童子，南行未窺，目連沙門，北遊不見，一一刹土，皆由業緣，萬萬僧祇，終非常樂，天宮蹇產，猶傾四大之風，魔殿崔嵬，終懼三災之火，朱樓寶塔，輝煥爭華，旣義暢中土，道流遐域，顯默同歸，華夷俱慕，自枕石漱流，始終一槩，悟智交養，三十餘年，春秋八十三，古人云道存人亡，法師之謂，凡我門徒，感風徽之緬邈，傷諮悟之永滅，敢以淺見，揚德金石，銘曰

九流依真，三乘歸佛，道住絕跡，慈還接物，孰是發蒙，昭我慧日，攝亂以定，闢邪以律，秦皇雄感，蔽理遙情，王孫徧解，遠死滯生，夫子之悟，萬劫獨明，寒暑遞易，悲欣皁壤，秋蓬四轉，春鴻五響，孤松獨秀，德音長往，節有推遷，情無遺想。

長干寺衆食碑

昔炎皇肇訓，稷正脩官，信矣民天之言，誠哉國寶之義，自非道登正覺，安住於大般涅槃，行在真空，深入於無爲般若，則菩薩應化，咸同色身。



諸佛淨土、皆爲搏食、證常住者、爰訖乳糜、補尊位者、猶假香飯、亦有三心未滅、七反餘生、應會天宮、就齋龍海、況復纏居地轉、咸憩珠庭、固以皆種仙禾、竝資靈粟者矣。法師常願以智慧火、燒煩惱薪、普施衆生、同飡甘露、况復安居自恣、願學高年、或次第於王城、猶棲遑於貧里、迦留乞麵、若用神通、須提請飯、致遺豪貴、於是思營衆業、願造坊厨、庶使應供之僧、皆同自然之食、升堂濟濟、無勞四輩之頻、高廩峩峩、恒有千食之備、其外鐵市銅街、青樓紫陌、辛家黑白之里、甲第王侯之門、莫不供施相高、資儲轉衆、法師善巧方便、漚和舍羅、教授滋生、隨年增長、假使桑林不雨、瓠水揚波、猶厭稻梁、永無饑乏、加以五鹽具足、七菜芳軟、甞類天厨、果同香樹、羹鼎之大、殷王未逢、糜饌之深、齊都非擬、昆吾在次、皆鳴鷲嶺之鍾、賜谷初升、同洗龍池之鉢、

東陽雙林寺傅大士碑

夫至人無已、屈體申教、聖人無名、顯用藏跡、故



維摩詰降。同長者之儀。文殊師利。或現儒生之像。提河獻供之旅。王城迺衆之端。抑號居士。時爲善宿。大經所說。當轉法輪。大品之言。皆紹尊位。斯則神通應化。不可思議者乎。東陽郡烏傷縣雙林寺傳大士者。卽其縣人也。昔巖谿蘊德。涓浦呈祥。天賜殷宗。誕興元相。景侯佐命。樊滕是埒。介子揚名。甘陳爲伍。東京世載。西晉重光。惟是良家。降神攸託。若如木生本行。或示緣起。子長子雲。自叙元系。則云補處菩薩。卽嗣釋迦。

王真子。是號彌勒。雖三會濟濟。華林之道未。乎。千尺巖巖。穰佉之化猶遠。但分身世界。濟度羣生。機有殊源。應無恆質。自敘因緣。大宗如此。按停水經云。觀世音菩薩有五百身。在此閻浮提地。示同凡品。教化衆生。彌勒菩薩亦有五百身。在閻浮提。種種示現。利益衆生。故其本迹。難得而詳言者也。爾其蒸蒸大孝。肅肅惟恭。厥行以禮教爲宗。其言以忠信爲本。加以風神爽朗。氣調清高。流化親朋。善和紛諍。豈惟更盈毀壁。



後身身身  
宜僚下丸而已哉。至於王戎吏部。鄧禹司徒。同  
此時年。有懷棲遁。仍隱居松山。雙林寺。棄捨恩  
愛。非梁鴻之竝遊。拜辭薪老。如蘇耽之永別。自  
脩禪遠。罄絕粒長齋。非服流霞。若餐朝沆。太守  
王然言其詭詐。乃使邦佐幽諸後曹。迄至兼旬。  
曾無假食。於是州鄉媿伏。遠邇翹依。逃迹山林。  
肆行蘭若。又自敘云。七佛如來。十方竝現。釋尊  
摩頂。願受深法。每至槌槌應叩。法鼓裁鳴。空界  
神仙。共來行道。其所見者。拳握之內。或吐

其香。胸臆之間。乍表金色。時有信安縣比丘僧  
朔。與其同類。遠來觀化。未及祇肅。忽見大士身  
長丈餘。劬等驚慚。相趨禮拜。虔恭既畢。更覩常  
形。又有比丘智總。優婆夷錢滿。願等伏膺累載。  
頻覩異儀。或見脚長二尺。指長五寸餘。兩眼光  
明。雙瞳照耀。皆爲金色。竝若金錢。譬李老而相  
侔。同周文而等狀。姜嫄所履。天步可以爲儔。河  
流大戾。神足宜其相比。支郎之彥。旣恥黃精。瞿  
曇之師。有慚青目。旣而四空妙定。薰脩已成。入



解明心莊嚴斯滿時還鄉黨化度鄉親俱識還源竝知廻向或立捨鬚髮如聞善來大傾財寶同脩淨福大士薰禪所憩獨在高巖爰挺嘉木是名檇樹擢本相對似雙槐於俠門合幹成陰類雙桐於空井厥體貞勁無爽大年置霜停雪寒暑蒼翠信可以方諸堅固譬彼娑羅旣見守於神龍將爲疑於變鶴乃於山根嶺下創造伽藍因此高柯故名雙林寺矣大士亦還其里舍貨買妻兒營締支提繕寫尊法嘗以聚沙畫地皆成圖果芥子菴羅無疑褊陋乃起九層塔形相歸然六時虔拜巡繞斯託又以大乘方等靈藥寶珠眷言山谷希得傳寫龍鄉思其曉照象駕乏其流通復造五時經典千有餘卷與夫鬻子而葬同其至誠嫁妻而隱無殊高節若寄搏麩如因賣花共指菩提方成親眷至如一相無相之懷虛已虛心之德化雞在臂方推理於自然毒蛇傷體終無擾於深定門徒肅肅學侶誦誦通被慈悲義無偏黨大通元年縣中長宿



傳普通等一百人。詣縣令范胥連名薦述。又以中大通四年。縣中豪傑傳德宜等。道俗三百人。詣縣令蕭詡。具陳德業。夫以連城之寶。照廡之珍。野老怪而相捐。工人迷而不識。胥等體有流俗。才無鑒真。亟欲騰開。終成虧怠。梁高祖武皇帝。紹隆三寶。弘濟四生。迹冠優填。神高仙豫。夫以陳蕃靜室。猶懷天下之心。伊尹躬耕。思弘聖王之道。况我有慧日。明炬如風。寶車濟是沉舟。能升彼岸。固宜光宣正法。影響人王者乎。於是

以中大通六年正月二十八日。遣弟子傳睢出都。致書高祖。其辭曰。雙林樹下。當來解脫。善慧大士。白國主救世菩薩。今條上中下善。希能受持。其上善以虛懷爲本。不奢爲宗。妄想爲因。涅槃爲果。其中善以治身爲本。治國爲宗。天上人間。果報安樂。其下善以護養衆生。勝殘去殺。普令百姓。俱稟六齋。夫以四海之君。萬邦之主。預居王土。莫不祇肅。爾時國師智者。法師與名德諸衆僧等。言辭謹敬。多乖釋迦之書。文牒畢恭。



後集 卷全 五  
翻豫山公之啓。大士年非長老，位匪沙門。通疏乘輿，過無虔恪。京都道俗，莫不嗟疑。睚至都投太樂，令何昌并有弘誓。誓在御路，燒其左手。以此因緣，希當聞達。昌以此書呈同泰寺僧皓法師。師衆所知識，名稱普聞。見書隨喜，勸以呈奏。皇心懽悅，遽遣招迎。來謁宸闈，亟論經典。同泰寺前臨北闕，密邇南宮。仍請安居，備諸資給。後徙居鍾山之下，定林寺。遊巖倚樹，宴坐經行。京洛名僧，學徒雲聚。莫不提函負裘，問慧諮禪。居

蔭高松，臥依盤石。於是四徹之中，恆法甘露。六旬之內，常雨天酒。豈非神僊影響，示現禎祥者乎。帝於華林園重雲殿，自開講三慧般若經。窮須真之所問，御法勝之高堂。百千龍像，圍繞餐聽。黑貂朱紱，王侯滿筵。國華民秀，公卿連席。乃令大士獨榻，對揚天辰。并遣傳詔，及宣傳左右四人，接受言論。爾時納揆之於臺內，司隸之在殿中。杜預還朝，馬防親貴。舊儀懸席，皆等庶僚。以大士絕世通人，故加其殊禮矣。及玉輦升殿，



雲蹕在堦，晏然箕坐，曾不山立，憲司譏問，愈見凝跼，但答云：法地若動，則一切法不安，應對言語，皆爲爽異。昔漢皇受道，藥大不臣，魏祖優賢，楊奐如客，河上之老，輕舉臨於孝文，嚴子之高，閑臥加於光武，方其古烈，信可爲儔，帝又於壽光殿，獨延大士，講論玄蹟，言無重頌，句備伽陀，音會宮商，義兼華藻，豈惟寶積獻蓋，文成七言，釋子彈琴，歌爲千偈而已。固非論經於白虎之殿，應詔於金馬之門，說義雲臺，受釐宣室，可同

年而語哉。自火運將終，民無先覺，雖復五湖內，蠶蒼鷺之兆未萌，四海橫流，夷羊之板匪現，大士天眼所照，預覩未來，摩掌之明，夙鑒時禍，哀羣生之版蕩，泣世道之崩淪，救苦爲懷，大悲爲病，誓欲虛中閉氣，識食爲齋，非服名香，但資禪悅，方乃燒其苦器，製造華燈，願以此一光明，遍照十方佛土，勸請調御，常任世間，救現在之兵災，除當來之苦集，於是學衆悲號，山門踊呌，弟子居士，徐普，拔潘普成等九人，求輸已命，願代



行傳身集 卷全  
宗師其中或馘耳而刊鼻或焚臂而燒手善財童子重觀知識忍辱僊人是馮相輩大士乃延其教化更住闍浮弘訓門人備行衆善於是弟子居士范難陀弟子比丘法曠弟子優婆夷嚴比丘各在山林燒身現滅次有比丘寶月等二人窮身繫索挂錠爲燈次有比丘慧海菩提等八人燒指供養次有比丘尼曇展慧光法織等四十九人行不食齋法次有比丘僧拔慧品等六十二人割耳出血用和名香奉依師教竝載

在碑陰書其名品夫二儀大德所貴曰生六趣含靈所重唯命雖復夢幻影響同歸摩滅愛使迷情唯貪長久自非善巧方便漚和舍羅照以慈燈沾其妙藥豈或捨不貲之軀而能行希有之事若令割身奉鬼聞半偈於涅槃賣髓祠天能供養於般若理當剗心靡吝擢骨無疑者乎大士小學之年不遊黌舍大成之德自通墳典安禪合掌說偈論經滴海未盡其書懸河不窮其義前後講維摩思益經等比丘智瓚傳習受



持所應度者化緣既畢以大建元年朱明始獻  
奄然右卧將歸大空二旬初滿三心是滅爾時  
隆暑便已赫曦屈伸如常溫暖無異洗浴究竟  
扶坐着衣色貌敷渝光彩鮮潔爰經信次宛若  
平生烏傷縣令陳鍾耆卽往臨赴猶復反手傳  
香皆如疇昔若此神變無聞前古雖復青牛道  
士白馬先生便遁形骸本慚希企若其滅定無  
想彈指而石壁已開法王在殯申足而金棺猶  
啓非斯矣莫與爲儔遺誠於雙林山頂如法燒

身一分舍利起塔於冢一分舍利起塔在山又  
造彌勒像二軀置此雙塔莫移我眠牀當取法  
猛上人織成彌勒像永安牀上寄此尊儀以標  
形相也於是門徒巨痛遂爽遺言用震旦之常  
儀乖闍維之舊法四部皆集悲同白車七衆攀  
號哀踰青樹弟子比丘法璿菩提智瓚等以爲  
伯陽之德貞桓紀於賴鄉仲尼之道高碑書於  
魯縣亦有楊雄弟子鄭玄門人俱述清猷載刊  
玄石於是祈聞兩觀冒涉三江爰降絲綸克成



豐琰陵雖不敏，夙仰高風，輕課庸音，乃爲銘曰。  
大矣權迹，勞哉赴時，或現商主，聊爲國師，畢同  
巧匠，屈示良醫，猗歟開士，類此難思，當來解脫，  
克紹迦維，妙道猶秘，機緣未適，弗降雞頭，寧開  
狼迹，北地爰徙，東山攸宅，族貴泥陽，宗分蘭石，  
莫測其本，徒觀其迹，邈有蒲塞，心冥世雄，明宣  
苦苦，妙鑒空空，汲引三界，行藏六通，爰初慙逸，  
宴處林叢，食等餐露，齋疑服風，敬禮玳塔，歸依  
靈像，未若天尊，躬臨方丈，慧炬常照，慈燈斯朗，

釋梵天仙，晨昏來往，濟濟行法，洗洗談講，德秀  
臧丈，風高廣成，來儀上國，抗禮承明，妙辯無相，  
深言不生，撞鐘比說，擊鼓慚英，樂論天口，誰其  
與京，乍現僊掌，爰標神足，色艷沉檀，香踰薜蔔，  
我有邊際，隨機延促，誓毀身城，當開心獄，忽示  
泡影，俄如風燭，噉噉門人，承師若親，寧焚軟疊，  
弗燎香薪，合窟爲窆，方墳以堙，須彌據海，變灰  
揚塵，浮土無壤，靈儀自真，何時湧塔，復覩全身，  
、天台山徐則法師碑



夫海水揚塵，幾千年而可見，天衣拂石，幾萬歲而應平。至人者，譬彼晨昏，方乎晷刻，固非俗土之所能言，寰中之所能量者也。至如不死之草，猶稱南喬，長生之樹，尚挺西崑。百紀遊龜，皆登蓮葉。千齡壽鶴，或舞松枝。假矣生民，何其天脆。譬彼風電，同諸泡沫。琢火之歎，聞諸往賢。逝水之悲，嗟乎前聖。樵人看博，信未始乎淹留。仙客彈琴，固不移於俄頃。然而子孫皆其數世，鄉黨咸爲草萊。是以志士名賢，飄然長驚，臊羶榮利，慙穢風塵。服冕乘軒，其猶桎梏。朱庭紫閣，事甚籠樊。隱淪巖洞，食餌芝髓。忽矣身輕，俄然羽化。金繩玉版，受謁帝之符。龍駕霓裳，處仙宮之錄。法師蕭然道氣，卓矣仙才。千仞孤標，萬頃無度。所以伊川控鶴，葉縣乘鳧。靈化無方，去還斯在。銘曰：

來去三鳥，賓遊二童。然香雨上，擊磬雲中。玉粒雖軟，金膏未鎔。方流道業，濟彼昏蒙。



頌

皇太子臨辟雍頌

有序

臣聞天大王大，詳於道德之言，天文人文，顯於  
爻象之說，是以大君革命，黔首所以庇焉，聖人  
創物、文籍，所以生焉，咸由此道，制爲民極，莫不  
對越上靈，裁成庶類，濟世育德，昭彼昆蟲，皇帝  
世膺下武，體茲上德，握天鏡而授河圖，執玉衡  
而運乾象，皇太子耀彼重離，光茲七鬯，儀天以  
文，化成天下，侍中國子祭酒，新安王宗室羽儀



衣冠準的、惟善爲樂、造次必儒、粵以十一年三月二十一日受詔弘宣、發論語題、攝齊升堂、握衣卽席、對揚天人、開闢大訓、清言旣吐、精義入神、副德爰動、音辭鋒起、問難泉涌、辨紛綸之異、定倫理之疑、玉振鐸鏘、雲浮雨布、介王奉繫、聖蹤、馳辨秀出、信令張禹慚其師法、何晏忸其訓詁、穆穆焉、洋洋焉、此實虞朝之盛德、生民之壯觀者也、臣抑又聞之、魯頌聿興、史克宣其懿、晉雍大啓、王廙逞其詞、所以述休平之風、揚君上

之德、輕以下才、敢爲頌曰、

皇運勃啓、膺圖受命、紫蓋東臨、黃旗南映、積仁累德、重明疊聖、四海無浪、三階已平、儲駕戾止、和鸞有聲、弘風講肆、崇儒肅成、丹書貴道、黃金賤籛、洙泗興業、闕里增榮、



銘

太極殿銘

有序

夫紫蓋黃旗、揚都之王氣長久、虎踞龍蟠、金陵之地體貞固、天居爽嶮、大寢尊嚴、高膺端門、仰模營室、歸於有德、譬彼河圖、傳我休明、義同商鼎、太極殿者、法互象亢、王者之位以尊、左平右城、天子之堂爲貴、往朝煨燼、多歷年所、世道隆平、宜其休復、監軍鄒子度啟稱、卽日、忽有一大梓柱、從流來泊、在後渚岸、嵯峨容與、若漢水之



後集身集 卷全  
僊槎搖漾波濤，似新亭之龍刹。孤拔靈山，允彰天賦。昔梁氏承聖，將圖繕修。東虜窺江，西胡犯畢。定之方中，亟興師旅。揆之以日，輒有灾故。是知秦人所止，實漢祖而爲宮。吳都佳氣，乃元皇而斯宅。千櫨赫奕，萬栱峻層。植綠芰而動微風，舒丹蓮而制流火。甘泉遠望，觀正殿之崢嶸。函谷遙看，美皇居之佳麗。信可以齊三光而示宇宙，會萬國而朝諸侯。爰命微臣，乃爲銘曰：雍時相望，參差未央。偃師迴顧，崔嵬德陽。高捫

太乙，正睹瑤光。峨峨靈柱，赫赫流樟。美矣宮室，嘉哉今日。御晨垂旒，當朝靖蹕。樂備韶夏，禮兼文質。帝旅無諠，王旗斯謐。肅肅卿士，邕邕承弼。漢座雕屏，周人檻櫺。城隅有勒，殿省皆銘。況復皇寢宜昭，國經方流。典訓永樹，天廷。

報德寺刹下銘

有序

昔者明王大孝，感動神祇。助月致景，星之祥非。煙流慶雲之色，然而嚴敬之道。惟事盡於配天，明發之懷，誠不過於饗帝。豈如以梵宮之樂，資



後集身集 卷全 一  
乎廟堂、淨土之因、歸於園寢、雖復青雲譙郡之  
境、碧泉春陵之鄉、上幼懷凝重、未曾遊陟、年將  
志學、卽事登庸、宣力淮潯、屬有嘉夢、其夢也畢  
陌弘敞、橋山屈盤、氣象靈長、風煙騰薄、使隊雙  
表、其高百尋、左則青龍蟠蜿、右則白虎蹲踞、軒  
轅之駕、譬婉婉而多慙、吳王之墳、狀耽耽而非  
擬、有人指其地云、此是國陵、自爾迄永定初、其  
間二十有餘年、至歲紀頻移、崇瑩乃作、觀其山  
川形勢、王相徵圖、瞻拜高巒、宛如前夢、大矣哉

孝悌之至、通於神明者、與、銘曰、

壯矣金表、傍依墻垣、高連綵霓、極睇翔鶻、梵偈  
宵唱、雲花晝翻、三心斷縛、六道除怨、趙夢天樂、  
秦遊帝闈、王靈在上、巨勝奚論、福彼羣品、俱排  
大昏、皇家七百、於萬維孫、

後堂望美人山銘

一作應信  
今兩存之

高堂凝雨、洛浦無洲、何處相望、山邊一樓、峰因  
五婦、石是三侯、險逾地肺、危鄰天柱、禁苑斜通、  
春人恆聚、樹裏聞歌、枝中見舞、恰對粧臺、諸牕



併開遙看已識，試喚便迴，豈如織女。非秋不來。

塵尾銘

爰有妙物，窮竝巧制，員上天形，平下地勢。靡靡  
絲垂，綿綿縷細，入貢宜吳，出先陪楚。壁懸石拜，  
帳中玉舉，旣落天花，亦通神語。用動捨默，出處  
隨時，揚斯雅論，釋此繁疑。拂靜塵暑，引飾妙詞。  
誰云質賤，左右宜之。

哀策文

陳文帝哀策文

維太康元年太歲丙戌四月丁未朔二十七日  
癸酉大行皇帝崩於有覺殿，殯於太極之西階。  
粵六月丙寅將遷於永寧陵，禮也。容車晚駕，幄  
殿晨張，旌帷具列，綽翻成行。哀子嗣皇帝諱擗  
屨輅於丹陛，攀龍帷於紫庭。趨過窮於屏闈，拜  
慟感於明靈。東京飛其瑞露，北陸賁其祥星。乃  
詔雲臺之史，稽採咸池之曲。叶大雅於鳴金，同



藏書於羣玉，其辭曰：

若水傳帝，薰風御民，重光所集，世載於陳，赫矣高祖，悠哉上旻，蟬聯寶胄，暉煥郊禋，我皇誕聖，膺此家慶，道主衢樽，神凝懸鏡，洛書天表，河紀靈命，納揆馳芳，賓門流詠，稽陰克伐，震野勤王，毫道增構，幽風會昌，言瞻少昊，實仗高陽，駕彼軫轡，清宮未央，歡覃兆庶，德洎遐荒，穆齊高寢，上膳長樂，肅肅承顏，哀哀薦酌，悼園恭儉，章陵謙約，大寶崇名，無間改作，纂武升歷，遺愛寔繁。

三湘九派，沴氣雲昏，力折天柱，才傾地門，甘泉夜照，細柳朝屯，谷魅山鬼，橫流塞源，赫赫英暮，赴赴雄斷，通行天討，無遺神算，鬱掃江淮，長驅巴漢，尤夷百越，雷隨風渙，北俘昆耶，西馘伊軻，荷負皇極，劬勞庶幾，勤民聽政，盱食宵衣，服貴綈皁，風移閩闈，唐山罷奏，濮水韜徽，訪採狂狷，搜馭仄微，世感中孚，民維大畜，外戶無閉，高垣奚築，降情儒雅，凝懷庠塾，御庶爲歡，臨雍彌肅，禮兼三代，樂備九成，天資武德，地照文明，墨履



行傳身集 卷全 頁  
斯在幪巾自清連珠合璧、曜爽流精、獸舞時豫、禽歌頌平、帝載維遠、王靈維大、候雨占風、荒中海外、憬彼鞮譯、咸承冠帶、是日君臨、斯爲交泰、白環已賚、玄珪克禎、東河佇揖、北狄思征、鉞斧將戒、璫珩未鳴、星淫去楚、日沴悲荆、億兆何覺、穹旻遽傾、大禹胼胝、重華腠腊、仰惟勞務、同斯違憚、發夢無徵、昭祈奚益、聽茂陵之鐘鼓、抱喬陽之劔舄、詎髣髴於宸儀、終纏綿於號擗、嗚呼哀哉、三占以吉、四海同奔、列明天宇、崩號帝關、千門啓於閭闔、萬乘警於靈輜、槐風悲於輦道、松雨思於郊原、鑿旂動而虛蹕、宿衛靜而空尊、嗚呼哀哉、卑陌平夷、流山蟠固、紀無遷市、唐有通樹、經白社之修塗、廻青門之廣路、思沛邑以東臨、懷周京以西顧、嗚呼哀哉、機神不測、性道難稱、充窮靡寄、孺慕奚馮、惟封云之與禪、肅遺玉牒之與金繩、揚英聲而永久、共日月而俱升、嗚呼哀哉、



墓誌

司空章昭遠墓誌

周原膺膺佳氣葱葱王業攸興帝圖斯盛在昔  
光武佐命鄰縣者鄧侯高祖元臣同郡者蕭相  
公台輔之量便著綺紈瑚璉之姿無待雕琢起  
家爲東宮直前所奉之君則梁簡文皇帝旣而  
黑山巨盜憑陵上國白水強胡虔劉中夏公側  
其產業募是驍雄思報皇儲累殲鯨寇屬函風  
有象代邸方隆搜荆楚之英才資班輸之妙略



百樓忽起登雲霄而俯臨萬弩俱張隨雷霆而竝震揚兵於九天之上決勝於千里之中殪彼羣兇皆無旋踵陳寶應志懷反叛客引周迪資其食力更事窺窬公奉詔崇朝飲冰將力前茅後勁步驟奔馳仍同甌閩殄其巢窟若夫鳴虵之洞深谷隱於蒼天飛猿之嶺喬樹叅於雲日宜越艇而登嶠蒙燕犀而涉江威武紛紛震山風海於是咸俘僞帥悉據高墉爰泊滄漠莫不懲艾旣而齊人無信將謀郢藩鬪艦戈船窺江

淹漢公纔聞羽檄遽稟師期馳襲荆郢應時燒蕩方欲宣威隴汧大討梁華屬上將之韜光遲中台之掩曜大建三年薨於軍幕爾乃青鳥相墓白鵲標墳林有逃車樹同華蓋前旌熊軾後乘龍輜介士發三河之民哀饒同駟馬之曲長安傳坐恩禮盛於西京襄陽墮淚悲慟喧於南北

、河東康簡王墓誌

夫聖人至德天道福謙大哉堯舜貽慶長遠明



兩之盛、中陽纂於豢龍、百世之祀、皇家兆於鳴鳳、違青丘於海北、應紫蓋於江南、帝系王基、重光累葉、高祖之建天柱、列聖之補地維、蕩蕩乎民無得而名焉者也、王資神昴、緯託曜房、靈體斯孝烈、不由師保、月生之對、何用於擬議、日近之言、無階於等級、封河東王、加侍中、淑貌與金燧相宜、清顏與玉壺同照、授使持節、南徐州刺史、武羗旅拒、亭障遷移、漠草非長、廣之東、湖萊近荆門之北、王常譏庾翼、使白面之非才、深慕

曹彰、歎黃鬚之爲可、火精不退、奚應善言、水蛭難消、徒持陰德、薨於沙鎮、時年一十有七、追贈司空、加鼓吹班劍、謚曰康簡、王洛北占墳、河南除道葭、悲煙殿之聲、劍動豐城之氣、豈惟晉皇寵悼、重琅邪之贈官、魏后高文、制蒼舒之哀誄、  
○裴使君墓誌

君五音之候、兼其方牧、八陣之圖、窮其巧變、用能戰必勝、攻必取、督稱無難、兵號解煩、朝飛火箭、夜聳雲梯、燧象從奔、聯狼已合、於是厥顏不



撓極哈諸戎、靡德高聲、肆言羣逆、胡夷總至、猶持子路之纓、鋒刃相交、終荷溫生之節、每以財輕篋籜、義重嵩衡、割宅宇貧友之孤、開門延故人之殯、篤好朋遊、居常滿席、每至鮮雲藹藹、披王安之衣、明月圓圓、似班姬之扇、日帶花以如笑、風鳴條而若歌、傍列絲桐、對揚文酒、一石之後、逾能斷獄、五斗之量、猶未解醒、嗟乎潘岳之詩、致哀周密、莊公之誅、用愍相遺。

文

爲陳武帝卽位告天文

皇帝臣諱敢用玄牡昭告於皇皇后帝梁氏以圯剝薦臻、歷運有極、欽若天應、以命於諱、夫肇有烝民、乃樹司牧、選賢與能、未常厥姓、放勛重華之世、咸無意於受終、當塗典午之君、雖有心於揖讓、皆以英才處萬乘、高勲御四海、故能大庇黔首、光宅區縣、有梁末運、仍葉遘屯、德醜憑陵、久移神器、承聖在外、非能祀夏、天未悔禍、復



後漢書  
卷之  
下  
雁寇逆嫡嗣廢黜宗枝僭詐天地蕩覆紀綱泯  
絕諱爰初投袂大拯橫流重舉義兵實戡多難  
廢王立帝實有厥功安國定社用盡其力是謂  
小康方期大道既而煙雲表色日月呈瑞緯聚  
東井龍見譙邦除舊布新既彰玄象遷虞事夏  
且協謳訟九域八荒同布衷款百神羣祀皆有  
誠願梁帝高謝萬邦授以大寶諱自惟菲薄讓  
德不嗣至於再三辭勿獲許僉以百姓須主萬  
機難曠皇靈眷命非可謙拒畏天之威用膺嘉

祚永言夙志能無慙德敬簡元辰升壇受禪告  
類上帝用答民心永保於我有陳惟明靈是饗



樂府

驄馬驅

以下  
五言

白馬號龍駒，彫鞍名鏤渠。一作諸兄二千石，小  
 婦字羅敷，倚端輕掃史。一作召募擊休屠，塞外  
 多風雪，城中絕詔書，空憶長楸下，連蹠復連跣。  
 中婦織流黃

落花還

一作飛

井上春機當戶前，帶衫行幃口。覓

釧枕檀

一作入

邊。數鐻經無亂，新漿緯易牽。蜘蛛

夜伴織，百舌曉驚眠。封用黎陽土，書因計吏船。

NATIONAL CENTRAL LIBRARY, TAIWAN, R.O.C.



欲知夫壻處。今督水衡錢。

出自薊北門行

薊北聊長望，黃昏心獨愁。燕山對古刹，代郡隱  
一作城樓。屢戰橋恒斷，長冰塹不流。天雲如地  
陣，漢月帶胡秋。漬土泥函谷，援繩縛涼州。平生  
燕頷相，會自得封侯。

隴頭水

別塗聳千仞，離川懸百丈。攢荆夏不通，積雪冬  
難上。枝交隴底暗，石礙波前響。迴首咸陽中，唯

言夢時往。

折楊柳

嫋嫋河堤樹，依依魏王營。江陵有舊曲，洛下作  
新聲。妾對長楊苑，君登高柳城。春還應共見，蕩  
子太無情。

關山月二首

關山三五月，客子憶秦川。思婦高樓上，當牕應  
未眠。星旗映疎勒，雲陣上祁連。戰氣今如此，從  
軍復幾年。



月出柳城東，微雲掩復通。蒼茫縈白暈，蕭瑟帶長風。羌兵燒上郡，胡騎獵雲中。將軍擁節起，戰士夜鳴弓。

洛陽道二首

綠柳三春暗，紅塵百戲多。東門向金馬，南陌接銅駝。華軒翼葆吹，飛蓋響鳴珂。潘郎車欲滿，無奈擲花何。

洛陽馳道上，春日起塵埃。濯龍望如霧，河橋渡似雷。聞珂知馬蹀，傍憶見薨開。相看不得語，密

意眼中來

長安道

輦道乘雙闕，豪雄被五都。橫橋象天漢，法駕應坤圖。韓康賣良藥，董偃鬻明珠。喧喧擁車騎，非但執金吾。

梅花落

對戶一株梅，新花落故栽。燕拾還蓮井，風吹上鏡臺。娼家怨一作愁，思妾樓上獨裴徊。啼看竹葉錦，簪一作簪罷未能裁。



紫騮馬

玉鐙繡纏鬃，金鞍錦覆幪。風驚塵未起，草淺埽  
猶空。角弓連一作兩兔，珠彈落雙鴻。日斜馳逐  
罷，連翩還上東。

劉生

劉生姝侖儻，任俠遍京華。戚里驚鳴筑，平陽吹  
怨笳。俗儒排左氏，新室忌漢家。高才被擯壓，自  
古共憐嗟。

烏棲曲二首 七言

卓女紅妝期此夜，胡姬沽酒誰論價。風流荀令  
好兒郎，偏能傅粉復薰香。  
繡帳羅帷隱燈燭，一夜千年猶不足。唯憎無賴  
汝南鷄，天河未落猶爭啼。

襍曲

傾城得意已無儔，洞房連閣未消愁。宮中本造  
鴛鴦殿，爲誰新起鳳凰樓。綠黛紅顏兩相發，千  
嬌百念情無歇。舞衫迴袖勝春風，歌扇當牕似  
秋月。碧玉宮妓自翩妍，絳樹新聲最可憐。張星



舊在天河上，從來張姓本連天。二八年時不憂  
度，旁邊得寵誰相妬。立春曆日自當新，正月春  
幡底，須故流蘇錦帳挂香囊。織成羅幌隱燈光，  
只應私將琥珀枕，暝暝來上珊瑚牀。

長相思二首

長相思，望歸難。傳聞奉詔戍臯蘭，龍城遠，鴈門  
寒。愁來瘦轉劇，衣帶自然寬。念君今不見，誰爲  
抱腰看。

長相思，好春節。夢裏恒啼悲不洩，帳中起，牕前  
隴頭雪。

髻柳絮飛還聚，遊絲斷復結。欲見洛陽花如君。



詩

同江詹事登宮城南樓

以下  
五言

元良屬上德，率土被中孚。漢幄朝無怠，周門夕  
復趨。桓經旣受業，賀拜且尊儒。壯志諧風雅，高  
文會斗樞。鏗鏘叶舞蹈，炤爛等琨瑜。溝水慙雄  
伯，漳川仰大巫。鮑魚寧入俎，鈞鯨匪克厨。叔譽  
恒詞屈，防年豈濫誅。

走筆戲書應令

此日乍殷勤，相嫌不如春。今宵花燭淚，非是夜



迎人舞席秋來卷歌筵無數塵曾經新代故那  
惡故迎新片月窺花簾輕寒入錦巾秋來應瘦  
盡偏自著腰身

春情

風光今且動雪色故年殘薄夜迎新節當鑪却  
晚寒奇一作香分細霧一作石炭擣輕純竹葉  
裁衣帶梅花奠酒盤年芳袖裏出春色黛中安  
欲知迷下蔡先將過上蘭

奉和詠舞

十五屬平陽因來入建章主家能教舞城中巧  
畫粧低鬟向綺席舉袖拂花黃燭送空迴一作  
影衫傳篋裏香當繇好畱客故作舞衣長一作

和簡文帝賽漢高帝廟

聲偶作徐摛詩彙作庾肩吾並誤

山宮類牛首漢寢若龍川玉盃無秋耐金燈滅  
夜煙丹帷迫靈嶽紺席下群僊堂虛沛筑響叙  
低戚舞妍何殊后廟裏子建作華篇

山齋

桃源驚往客鶴嶠斷來賓復有風雲處蕭條無



俗人山寒微有雪石路本無塵竹徑蒙籠巧茅  
齋結構新燒香披道記懸鏡厭山神砌水何年  
溜簷桐幾度春雲霞一已絕寧辨漢將秦

詠柑

藝文初學並作徐陵乃劉  
孝綽舊集載此或誤收也

朱實挺江南苞品擅珍淑上林雜嘉樹江潭間  
修竹萬室擬封侯千株挺荆國綠葉萋以布素  
榮芬且郁得陳終宴歡良垂雲雨育

侍宴

園林才有熱夏淺更勝春嫩竹猶含粉初荷未

聚塵承恩預下席應阮獨何人

奉和山池

羅浮無定所鬱島屢遷移不覺因風雨何時入  
後池樓臺非一勢臨翫自多奇雲生對戶石猿  
挂入欄枝

山池應令

畫舸圖僊獸飛舡挂采旂榜人事金漿釣女飾  
銀鈎細萍時帶楫低荷乍入舟猿啼知谷晚蟬  
咽覺山秋



別毛永嘉

英華作別  
毛尚書

願子厲風規，歸來振羽儀。嗟余今老病，此別空  
長離。白馬君來哭，黃泉我詎知。徒勞脫寶劍，空  
掛隴頭枝。

秋日別庾正員

藝文作  
張正見

征途愁轉旆，連騎慘停鑣。朔氣凌疎木，江風送  
上潮。青雀離帆遠，朱鳶別路遙。唯有當秋月，夜  
夜上河橋。

新亭送別應令

風吹臨伊水，時駕出河梁。野燎村田黑，江秋岸  
荻黃。隔城聞上鼓，迴舟隱去檣。神襟愛一作憂遠  
別流睇，極清漳。

和王舍人送客未還閨中有望

倡人歌吹罷，對鏡覽紅顏。拭粉畱花稱，除釵作  
小鬟。綺燈停不滅，高扉掩未關。良人在何處，光  
唯見月還。

爲羊兖州家人答餉鏡

信來贈寶鏡，亭亭似團月。鏡久自踰明，人久情



後集身集 卷全  
愈歇取鏡掛空臺。于今莫復開。不見孤鸞鳥，香魂何處來。

詠織婦

織織運玉指，脉脉正蛾眉。振躡開交縷，停梭續斷絲。簷前初月照，洞戶朱帷垂。一作未垂帷弄機行掩淚，彌令織素遲。

內園逐涼

昔有北山北，今余一作來東海東。納涼高樹下，直坐落花中。狹徑長無跡，茅齋本自空。提琴就竹

籥酌酒勸梧桐。

鬪鷄

季子聊爲戲，陳王欲騁才。花冠已衝力，芥瓜復驚媒。鬪鳳羞衣錦，雙鸞耻鏡臺。陳倉若有信，爲覓寶雞來。

詠日華

朝暉爛曲池，夕照滿西陂。復有當晝景，江上鏢光儀。時從高浪歌，乍逐細波移。一在雕梁上，詎比扶桑枝。



詠雪

瓊林玄圃葉桂樹日南華豈若天庭瑞輕雲帶  
風斜三農喜盈尺六出儻崇花明朝闕門外應  
見海神車

春日

岸煙起暮色岸水帶斜暉逕狹橫枝度簾搖驚  
燕飛落花承步履流澗寫行衣何殊九枝蓋薄  
暮洞庭歸

春和簡文帝山齋

架嶺承金闕飛橋對石梁竹密山齋冷荷開水  
殿香山花臨舞席水影照歌牀

闕



本傳

徐陵字孝穆，東海郟人也。祖超之，齊鬱林太守，梁員外散騎常侍。父摛，梁戎昭將軍太子左衛率，贈侍中太子詹事，謚貞子。母臧氏嘗夢五色雲化爲而鳳，集左肩上。已而誕陵焉。時寶誌上人者，世稱其有道，陵年數歲，家人攜以候之，寶誌手摩其頂曰：天上石麒麟也。光宅惠雲法師每嗟陵早成就，謂之顏回。八歲能屬文，十二通莊老義，旣長，博涉史籍，縱橫有口，辨梁普通二



徐傳身集 卷全  
年，晉安王爲平西將軍寧蠻校尉，父摛爲王諮議。王又引陵參寧蠻府軍事。大通二年，王立爲皇太子，東宮置學士，陵充其選。稍遷尚書度支郎，出爲上虞令，御史中丞劉孝儀與陵先有隙，風聞劾陵在縣贓汗，因坐免。久之，起爲南平王府行參軍，遷通直散騎侍郎。梁簡文在東宮，撰長春殿義記，使陵爲序，又令於少傅府述所製。莊子義尋遷鎮西湘東王中記室參軍。太清二年，兼通直散騎常侍，使魏。魏人授館宴賓，是日

甚熱，其主客魏收嘲陵曰：今日之熱，當繇徐常侍來。陵卽答曰：昔王肅至此，爲魏始制禮儀。今我來聘，使卿復知寒暑。收大慙。及侯景寇京師，陵父摛先在圍城之內，陵不奉家信，便蔬食布衣，若居憂恤。會齊受魏禪，梁元帝承制於江陵，復通使於齊。陵累求復命，終拘留不遣。陵乃致書於僕射楊遵彥，遵彥竟不報。書及江陵陷，齊送貞陽侯蕭淵明爲梁嗣，乃遣陵隨還。太尉王僧辯初拒境不納，淵明徃復致書，皆陵詞也。及



淵明之入，僧辯得陵大喜，接待饋遺，其禮甚優。以陵爲尚書吏部郎，掌詔誥。其年高祖率兵誅僧辯，仍進討韋載。時任約、徐嗣徽乘虛襲石頭，陵感僧辯舊恩，乃往赴約。及約等平，高祖釋陵不問，尋以爲貞威將軍、尚書左丞。紹泰二年，又使于齊，還除給事黃門侍郎、祕書監。高祖受禪，加散騎常侍、左丞如故。天嘉初，除太府卿。四年，遷五兵尚書，領大著作。六年，除散騎常侍、御史中丞。時安成王顓爲司空，以帝弟之尊，勢傾朝

野直，兵鮑僧叡假王威權，抑塞辭訟，大臣莫敢言者。陵聞之，乃爲奏彈，導從南臺官屬引奏案而入。世祖見陵服章嚴肅，若不可犯，爲歛容正坐。陵進讀奏版，時安成王殿上侍立，仰視世祖流汗失色。陵遣殿中御史引王下殿，遂劾免侍中、中書監。自此朝廷肅然。天康元年，遷吏部尚書，領大著作。陵以梁末以來，選授多失其所，於是提舉綱維，綜覈名實。時有冒進求官，誼兢不已者，陵乃爲書宣示，自是衆咸服焉。時論比之



毛玠廢帝卽位高宗入輔謀黜異志者引陵預其議高宗纂曆封建昌縣侯邑五百戶大建元年除尚書右僕射二年遷尚書左僕射陵抗表推周弘正王勣等高宗召陵入內殿曰卿何爲固辭此職而舉人乎陵曰周弘正從陛下西還舊藩長史王勣太平相府長史張種帝鄉賢戚若選賢與舊臣宜居後固辭累日高宗苦屬之陵乃奉詔及朝議北伐高宗曰朕意已決卿可舉元帥衆議咸以中權將軍淳于量位重共署

推之陵獨曰不然吳明徹家在淮左悉彼風俗將畧人才當今亦無過者於是爭論累日不能決都官尚書裴忌曰臣同徐僕射陵應聲曰非但明徹良將裴忌卽良副也是日詔明徹爲大都督令忌監軍事遂克淮南數十州之地高宗因置酒舉杯屬陵曰賞卿知人陵避席對曰定策出自聖衷非臣之力也其年加侍中餘並如故十年領國子祭酒南徐州大中正以公事免侍中僕射尋加侍中給扶又除領軍將軍八年



加翊右將軍太子詹事置佐史俄遷右光祿大夫餘並如故十年重爲領軍將軍尋遷安右將軍丹陽尹十三年爲中書監領太子詹事給鼓吹一部侍中將軍右光祿中正如故陵以年老累表求致仕高宗亦優之乃詔將作爲造大齋令陵就第攝事後主卽位遷左光祿大夫太子少傅餘如故至德元年卒時年七十七詔曰慎終有典抑乃舊章令德可甄諒宜追遠侍中安右將軍左光祿大夫太子少傅南徐州大中正

建昌縣開國侯陵弱齡學尚登朝秀穎業高名輦文曰詞宗朕近歲承華特相引狎雖多臥疾方期克壯奄然殞逝震悼于懷可贈鎮右將軍特進其侍中左光祿鼓吹侯如故并出舉哀喪事所須量加資給謚曰章陵器局深遠容止可觀性又清簡無所營樹祿俸與親族共之大建中食建昌邑邑戶送米至于水次陵親戚有貧匱者皆令取之數日便盡陵家尋致乏絕府僚怪而問其故陵云我有車牛衣裳可賣餘家有




徐僕射集卷之三  
可賣不其周給如此少而崇信釋教經論多所  
精解後主在東宮令陵講大品經義學名僧自  
遠雲集每講筵商較四座莫能與抗目有青睛  
時人以爲聰慧之相也自有陳創業文檄軍書  
及禪授詔策皆陵所製而九錫尤美爲一代文  
宗亦不以此矜物未嘗詆訶作者其於後進之  
徒接引無倦世祖高宗之世國家有大手筆皆  
陵草之其文頗變舊體緝裁巧密多有新意每  
一文出手好事者已傳寫成誦遂被之華夷家  
藏其本後逢喪亂多散失存者三十卷

徐僕射集終



徐有身集 卷之三

三



國家圖書館, NATIONAL CENTRAL LIBRARY, TAIWAN, R.O.C.